

列傳

朱氏家譜
第叁冊





朱氏家譜

列傳

一世

元處士樹德公傳

處士行一諱子英號樹德先汴人扈宋南渡歸籍上海世居閘港
裔傳清白時丁胡元亂華人心搖抗土地分崩有散而之陝西山
東者有去而留餘杭魏塘者樹德髫年失怙孤依堂伯祖世榮其
閘港居址有古松三本至今猶存世榮為之遣聘幣請為沈莊塘
海漕萬戶王善卿之館甥王無嗣樹德保有其業以承其祭祀焉



其貌古其心慈為人雅務陰德慕燕山行誼所以起簪纓於五世
之孫允而澤綿瓜瓞至世世永昌也 國朝初邑宰以樹德厚重

敏練舉為耆老欽奉 上命督金銀車若干輛赴陝西賑濟行次

建康疾卒火厝武定橋之原配王氏生子男英雄以幼不能歸襯
而失誌其生卒之年月可慨也脩譜之日為挽詩曰

西風慘淡暮雲遮千里遊魂夢繞家水到故廬聲帶咽松存遺址
色含華遼東吊鶴迷歸旒陝右飢民望濟車為 國捐生忠義在

金身未鑄使人嗟

按閩港古松三本今已無存及考新場宗譜曰璘者永樂中以

孝廉任湖廣隨州刺史世居閩港之雷壇橋左意樹德公居址
當在茲境第所云堂伯祖世榮倫次又不可考矣新場譜又云
壁居沈莊與其始祖堅為親兄弟今查吾譜無壁且據今世次
逆數之堅當與吾家二世善庵公為兄弟而善庵公為樹德公
獨子無兄弟堅壁之說姑闕之武定橋火厝遺址余試南都時
屢訪不得尤可悼也十世孫正色記

二世

明處士善庵公傳

處士行一諱菟雄號善庵樹德府君子也生於元季長值國初


傷父客亡於王役哀毀骨立幸而草昧既寧免於兵難紹先人之
業而不傾存方寸之地於來亂居家庭也簡重寡言處鄉黨也剛
毅不屈濟險扶顛遇惡揚善有古君子之風無時俗人之態年逾
耆耄攜杖婆娑儼若神仙同里比鄰聞風覲面者罔不誠服心醉
恩賜壽官生豈非尼父所謂善人而足以膺周之大賚者歟生元
至正壬辰十月廿四日卒明正統辛酉十一月十七日享春秋九
十配同邑王氏瘞都臺浦之東原去第里許生子男二長大寶早
世瘞祖塋次昱克家而為上洋之大姓云爰挽以詩曰
記得天兵破敵年江東戰骨滿山川獨憐一樹靈椿老止遺孤枝

碩果堅惟爾塚無金盃出幾人血污鐵衣眠每逢寒食鷓鴣啼處過
客纔聞倍慘然

三世

處士靜玩公傳

處士行二諱昱字景陽號靜玩乃善庵府君之次子大寶之弟也
生而篤厚長而端莊行乾坤之正氣挽末俗之頹風崇道義於邱
山視軒裳猶敝屣嘗手植二桂於庭久而不花至景泰庚午始花
而冢孫允遂以是秋領鄉薦學士大夫比為王槐實桂古云天道
無親親於善人靜玩公其無矣^生年洪武十八年乙丑九月十一



日卒正統五年庚申八月十九日享春秋五十有六配同邑俞氏
瘞於祖塋之次生子澄淵而似續至今猶盛云挽詩有曰

泉涓涓兮木欣欣暮讀朝耕老隱君軒冕無心當盛世山林有義
薄層雲人情萍底秋波蕩世味刀頭蜜酒醺誰似高情能擺脫壯
丹莖盡見蘭芬

四世

誥封中順大夫坡東公傳

先生行一諱澄字孟泉號坡東乃靜玩府君之孟子也生建文壬
午歲十一月二十七日孝友敦篤篤出於天性志節挺然度量廓爾

治家有法與物無忤重義輕財濟窮周急好蓄儒書教子義方故
家器允經明學富而題雁塔之名政美才優而克稱熊軒之任當
閒居之際常以恤民省刑囑其子故鄉之縉紳先生咸相景慕有
司重其年高德邵舉為鄉飲僕賓於成化九年癸巳九月二十九
日以疾終於正寢享春秋七十有二配沈氏生建文壬午五月二
十五日卒弘治己酉七月十五日享春秋八十有八夫婦合葬於
都臺浦東原新塋生子男二允由連州知州陞廣西平樂府知府
讓官承事郎而家聲為之大振云

明處士樂春公傳

公字子深號樂春諱淵行二靜玩公次子坡東公胞弟也少坡東
公三歲幼而聰明長而倜儻其居家也孝友其律已也嚴正其交
友也信義其待人也慈惠世故人情無不精明強幹故凡有興作
以及出入錢穀靜玩公一以委之嘗曰若二兒者微獨守成易即
創業亦無勿易矣宣德己酉公年二十六靜玩公為之析房產西
產腴而租戶良東產瘠而租戶頑公獨承東產而不較西宅高而
多東宅卑而少相去者倍公獨遷東宅而無言非靜玩公之抑乎
次子也見次子之才可任其艱也非公之不知優劣也重天倫而
善承親志也平生樂善好施建石梁者數處鄉里有婚喪而力不

逮者有求無不助以禮義訓子孫以節儉擴家業以淡泊養性情
門庭雍肅長幼秩然昕夕必以君子九思章及朱子家訓反覆開
示以為燕翼詒謀所以傑佐佑三子公平廉介里黨咸推為矩矱
云生永樂三年乙酉正月初五日午時歿成化二十一年乙巳二
月二十二日丑時高壽八十有一配盛氏生永康元年癸未三月
十七日寅時歿成化十三年丁酉十二月初四日未時高壽七十
有五夫婦合葬於都臺浦之東原新塋正穴去老宅里許贊曰
祇父恭兄循卑幼兮讓美受惡忘肥瘦兮為仁而富得天佑兮萃
萃豐芑隆棠構兮遙遙蒼祝臻眉壽兮俯仰疇昔渺莫覲兮敬述


清芬告世曾今

弘治五年歲次壬子仲冬月上浣孫鵬百拜謹識

五世

中憲大夫廣西平樂府知府溪山公傳

先生諱允字克信號溪山行一
生於永康二十一年癸卯九月十
九日天資穎悟學問精通多聞博記充邑庠弟子員專壁經與古
先正相頡頏較今羣彥為拔萃剖天地之機緘入聖賢之閭奧纂
要鈞元出人意表景泰庚午科中應天府鄉貢進士主司錄其精
義以為程度朝野王公大人莫不以遠大期之天順癸未連州缺



守巡撫都御史葉公請於朝願得清恕公明之士以甦此州之困既而吏部選於衆得先生以授厥職瓊山邱公濟為文以祖錢於道下車之後秉心清白夙夜匪懈待人接物一以恕謙律之嚴而操思深行其便於民者去其妨於民者下人目之為包拯各相鼓舞曰我等有福向之劉禹錫復生矣不然何吾侯之澤波元元骨髓之深也如是哉時值蠻獠剽掠郡邑而東師駐其地先生以征討有功節蒙巡撫葉公題請賞以銀牌綵幣羊酒及征戍供運之後軍需旁午不急之務悉罷弗為州父老率子弟具器用運木石圖創治事之堂先生請於方伯張公憲使夏公特允從之明年

年冬十月堂成又明年乙酉秋外門重門成而官吏之舍都庾之
屋燕賓齋宿之廬咸去敝易新次第以成僉憲戈公按治見之獎
道甚至因語先生曰更鼓分明斯為好官譙樓之作似不可緩先
生對以役久民困未可用也請俟他年至成化戊子仲春樓始落
成郡判合肥蔡君周揖先生而登告曰州治廢於永樂丙戌瓦礫
蓬棘垂六十年役民之力而復焉不可無記乃建碑於唐刺史劉
夢得廳署記碑之次及乎三載報政之京吏部都察院考覈俱稱
職陞廣西平樂府知府居無何齊聲頌德先生善歌詠嘗與一二
君子唱和有牧民集信傳於世信乎上不負 天子之委任下不

忝民物之愛戴也及親物故乞身省墓致仕還鄉鄉之侍郎談公
倫恆禮待之戒其下人無犯君地吁是豈先生之能聲絕人邪亦
其過化存神平素廉公有威而人自畏服矣先生功成名遂身退
即老子所謂天之道也歟弘治乙卯歲七月二十四日以疾終正
寢配里人馮公振之女馮氏生永樂二十年壬寅十一月十日卒
天順五年辛巳六月二日生二子長禋官承事郎次祺繼叔讓後
繼高氏生正統三年戊戌午五月十三日卒弘治十一年戊午十
月初十日生一子禕合葬連家曹北原庶陳氏生二子禴克家祀
早世而奕世傳芳繼美云爰稽首再拜而頌以詩曰

鳳凰一舉鳥羣空奪盡江東山水風十載明經眉號白一朝旋錦
馬馱紅同寮賀處家聲振太守歸時意氣雄不見至今冠笏在有
孫還擬覓三公

馮恭人

名門窈窕德何柔來嫁鴻儒作好逋一自斷機遺手澤幾勞舉案
上眉頭風高熊準名雖遂命薄糟糠苦未酬遐想仙裳遊地下蕭
蕭松檟不禁秋

慈谿錢煥

高恭人

二十二年尚處室忽然夜夢簪纓客明朝媒氏抱書來卻是邦君
來配匹人謀天意喜命同一言金石諧琴瑟圭璋比德百年心桂
子蘭孫森遠際

晚輩龔情

馮恭人歸平樂公稟姑命虔甚織紵佐讀夜分不寐公登科纔
十二年恭人逝矣春秋僅四十同勞苦不同榮祿最可惜高恭
人年逾二十未字乃翁夢貴人臨其家及旦平樂公遣媒聘為
繼室同赴連州生萬竹公五歲而還六世孫正色記

承事郎一樂公傳

列傳

承事諱讓字克謙別號一樂坡東公次子溪山公胞弟也以輸粟

救荒授承事郎配談氏夫婦勤於治生家產饒裕年二十坡東公

分授河東田房俾自居食戴星出入茹苦經營三十年以後歲有

興作視坡東公所詒拓至數倍矣居家事親敬兄和鄰睦族樂善


好施於鎮上建躡雲永安廣濟三石梁又鑿井引泉作亭覆井

煨居者行者咸蒙利益公生洪熙乙巳三月癸未日歿成化丙午

二月乙卯日享年六十有二生女二長娟次靜無子以兄溪山公

次子祺為後成化丁未二月癸酉葬都臺浦左之原坡東公墓右

今周圍石牆者是溪山公以狀乞憲副郁公文博為文表之今石




雖斷卧榛莽中而文猶未沒可考也余幼時掃坡東一樂二公墓
見墓前明堂鞠為菜麥至無寸地可以舉步詢而知為東派樂春
公淵之五世孫轉佃與人者也因怪二墓皆吾西派之祖而其墓
田何以屬東派備詢宗老乃知一樂公存日既育親兄溪山之子
祺又育堂兄佐之子繼宗繼宗又無子育其弟鵬之子希哲於是
東之子孫紹有西之產業而西之產業亦為東有矣且祺之子辰
亦無子不聞西繼想必為希哲所兼承而致有豈非天耶郁憲副
墓表載公行實自是善人何以受此酷報余念其所建三石梁至
於今利賴而產業屬東紙錢寥寥所有唯周圍石牆護藏朽骨願

與吾西派子孫世共守之以不負公當年育稊本意作承事郎一
樂公傳正色撰

明文學襄猷公暨配鳳孺人傳

公諱佐行二字合清號襄猷樂春公仲子也好讀書博通經史為
文氣象灑灑有韓潮蘇海之觀識者咸以遠大期之入邑庠三赴
秋闈不售遂絕意進取設家塾訓子弟門牆翕集談倫張毅皆出
門下而諸子亦以家學顯名出膺民社性樸素不飲酒不衣帛事
親善承意志孺慕終身家有舊僕數名絕不使喚既而給錢米還
身契縱之使去曰此種人最易假虎之威暴橫鄉里去而弗留為



若輩存厚道為子孫留餘地也交遊盡名彥浮薄狂蕩之輩絕不
與談作事稍越禮雖知交必面斥其梗概有如此生永樂二十三
年乙巳十一月初五日丑時卒弘治三年庚戌八月十八未時享
春秋六十有六配鳳氏即選嘉興府教授鳴岡公長女十九歲歸
公敏勤恭慎善書算工烹調事翁姑尤極敬謹無違忤時凡內政
公一以委之誠賢助焉生永樂二十二年甲辰三月十六日子時
卒弘治五年壬子七月初一日酉時享春秋六十有八葬都臺浦
之東原祖塋穆位讚曰
破萬卷勤三餘躡王通追仲舒何以耨經為畬何以饌史為菹游

與夏萃門閭蘭與玉秀庭除教既立名不虛慕伏龍隱草廬縱斐
豹焚丹書德日積學日儲惟小子愧弗如述世德敢忘諸
弘治五年歲在壬子仲冬月之上浣男鵬百拜敬識

六世

承德郎敬庵公傳

先生行一諱禋字敬之號敬庵更古山乃中順大夫之孟子祺禴
禕祀之兄也生於正統五年庚申十月四日巳時崖岬高古度量
寬宏口唾虹霓胸羅星斗幼有大抱負而長不利科甲有司以其
齒德兼隆因例以請之上為賜官承德郎元配同邑唐氏繼陸氏

俱無出繼平湖過氏生三子方早世直平俱遊邑庠入國學庶吳
氏生一子圖圓官武略將軍博氏生二子正官昭信校尉良繼叔
禕後先生承平樂公業處世已謙恭治家嚴整誠海上仁厚之著
族為沈莊第一之世家門第煥新軒窗窈窕庭植桂蘭園培松柏
四時花卉競開二水虎龍旋繞堂後疊石為山山外鑿池引水池
上建複道以度竹圃圃外綠護田疇山可樵水可釣日與嘉客讌
游於斯或賦詩花前或敲棋麓下酌酒追金谷之歡入園養玉爐
之永利祿莫勞其形成武不奪其志恆自歎曰心足身安歲不我
與先大夫未竟之業今將安辭乃捐金幣徵余系圖以紀姓氏源

流之詳其亦比隆歐蘇而出於尋常萬萬也而今而後祖孫稱呼
不犯諱簪纓繼代不乏人將見來亂專鶚薦於一時展鵬搏於萬
里鋪舒其大材大用以顯宗親於地下而譜有不勝記者可知其
兆於茲也詩曰

宗法陵夷良可歎續脩譜牒似公難衣將倒處還提領源欲涓時
更起瀾迢邇大宗傳筆底瞭然奕葉在眉端作圖反古本宣風化
留與兒孫百世看

武略將軍萬竹公傳

公諱祿字斐音號萬竹以父平樂公建萬竹樓公業焉遂以為號

承父志也公幼而聰明長而個儻老而操履周密繼以不倦於今
享壽七十有九年矣尚鼓舞矍鑠好賢禮士生平行實足為後世
子孫明鑑蓋有不可盡述者自平樂公長逝後公綜理內外克樹
家聲時詠 天子明詔入資補武略將軍郡守邑長咸知其能嘗
使董城溝之役與衆興利除害官民兩便之尤所難者少娶馮氏
未有所出公年纔二十二閔兄第六子良生七日而失恃遂字焉
朝暮置諸懷察其溫飽推其燥溼長則教以義方戒以世守先緒
夫世人之情以吾平生辛苦立產業必得已出使之保守至老無
殞絕或以兄弟之子繼之其心眷眷尤不能自己其撫育之情終

不無少間也以視公抱良於少年撫良於七日慇懃篤厚之意始
終無二者何如哉故良亦終身孝養感慕罔極迨良生三子曰萊
曰莘曰藹公欣欣動色呼而呼拊掌曰吾有孫矣未幾萊生子朝
賓莘生子朝贊藹生子朝臣朝綱公益欣欣動色呼而拊掌曰吾
有曾孫矣故朱氏在邑號稱巨族而惟公一家尤父子子兄兄
弟弟仁愛相與敬讓相宣克有古人雍睦之化皆公所啟也今方
大置家塾延師傅以課諸曾孫之業而諸曾孫皆循循雅飭俊偉
異羣則他日天所成就以報公大德者未可量也公從此期頤耄
耄黃髮台背戴莪冠拖博帶著素履扶大杖偃僂而坐嬉怡而笑

引恬引養以享天年噫公其樂矣嘉靖甲辰通家晚輩龔情撰

公生成化二年丙戌正月十六日卒嘉靖二十四年乙巳三月十五日享春秋八十龔給諫作傳時壽七十九矣配馮孺人生成化二年丙戌八月十五日卒弘治十二年己未八月十七日享春秋三十四繼尹孺人生成化十二年庚子正月二十六日卒嘉靖二十五年丙午十月十二日享春秋六十有七行實詳述於三世墓表中五世孫正色記

明遂昌縣尹右石公傳

公諱鵬字翼之號右石襄猷公季子也心性開明才思敏捷年十

四即補本庠弟子員後四載襄猷公為之畢婚娶再赴秋闈獲薦
不信遂援例貢入成均授浙江處州府遂昌縣尹赴任之先因念
譜久失脩已難延宕遂迅速舉事勵志脩明今之宗支有考世系
燦然皆公之遺澤也至任之後精於理事洞見隱微有神明之號
越五載郡守察公能奉委署理遂昌縣事遂昌之民健訟公立法
痛懲而健訟之風息遂昌之俗多溺女公出示嚴禁而溺女之風
亦息紳士感其德為之頌其額曰恩同慈父後又署知青田縣事
為之除弊改革頹風頌聲載道宦迹十一年以襄猷公年老告歸
欣欣色養不與世俗事里黨稱之公生正統十一年丙寅四月初

十日亥時歿正德元年丙寅七月初二日申時享春秋六十有一
偕配張孀人生正統十一年丙寅五月十七日子時歿弘治十六
年二月十五日午時享春秋五十有八側宋氏生景泰五年癸酉
九月十九日亥時歿弘治十七年甲子正月初三日辰時享年五
十有一王氏生景泰六年甲戌三月二十七日寅時歿正德四年
乙巳八月初九日戌時享年五十有五俞氏生天順元年丁丑十
一月二十九日酉時歿弘治十七年甲子四月二十七日丑時享
年四十有八譜曰

履益郊任抱柳州才毫同秋照脚共春來哦松趣永鳴琴道該宦

情既淡歸興頻催裝輕載石衣燦舞萊况乎綺歲筆陣宏開文壇
宿將譜系新裁緬懷遺澤嗚呼悠哉

正德四年己巳季冬望日 賜進士出身翰林院庶吉士中書舍

人湖廣右參議布政司使同硯弟張毅拜讓

七世

文學魯天公傳

魯天公諱良字尚明別號西園更魯天古山公第六子母傅孺人
誕公七日而亡萬竹公育為後公孝友仁厚穎慧豁達為兒時言
志不羣古山公每奇之一日詢曰人處兄弟間忍與爭孰得公即

應聲曰做人合自苦豎爭訟即有得半且又公門所存幾何而傷
天性手足爭奚為公大驚曰吾兒志氣如此吾無憂矣傳孺人忌
日設祭必素冠素衣跪而泣曰母識兒兒不識母嗚咽移時自少
至老不變萬竹公將出必請歸期至期必徒步數百武外引領以
俟晚或不歸詰旦必遣僮往探萬竹公或不悅即長跪膝下必悅
乃起萬竹公授田七百畝公拓至一千八百畝差役繁重獨力撐
持門祚益振性喜讀書人見必優禮厚施供奉塾師尤極豐饜嘗
畜鷹隼為樂不以妨正務有姬侍四人雍雍肅肅因或踰越同氣
五人或天或絕或微公一一軫恤亂嗣獨昌克纘平樂公緒作善

降祥信天道之不爽矣公生成化丁未卒萬曆癸酉俱四月八日
享年八十有七配杜孺人與公同心協力夙興夜寐以詩書訓子
孫以耕織課僮婢稱賢助孺人生成化丁未十月十一日卒嘉靖
丁未閏九月十一日享年六十有一是年九月三十日正色生孺
人再三丁寧曾孫不得雇乳母望三公嘗呼余言之子三長迪郎
望山公萊娶於趙次尹山公莘娶於馮次金山衛學廩生雩山公
娶于倪于周俱杜孺人出次懷魯公蓋張孺人娶於杜即孺人姪
女一適杜棊即孺人族姪蓋吾朱與杜同里門閭相望故世為婚

姻云

明內閣撰文中書舍人靜川公傳

先生字時卿號靜川諱希何乳官處州府瑞昌縣二尹右石公長
公子也少好學揣摩簡籀無間三餘童年入泮時與名宿角逐及
弱冠或勸之赴京遂援例入監就太學肄業專心致志尤工駢體
奉旨朝考特授中書舍人代製誥勅無不一一稱旨其書法
出入顏柳馳驟蘇黃飄逸秀潤之中有蒼古峭折之勢平生言談
微遠器識深沉一時交遊皆道學名雋勿附勢勿趨炎見利思義
有才不矜故京邸諸巨宦咸器重之留京二十餘年行將以知州
補外省時中官劉瑾用事雅不合適遇疾遂致仕歸築別業於宅

東偏訓子弟授生徒攜杖逍遙詩酒自樂絕不干預外事有疏廣

受馬季常之風秉中與公文善有同鄉誼且同任京秩朝夕晤對

雅知實踐事於是乎傳公生天順八年甲申二月二十日午時卒

嘉靖五年丙戌四月初一日未時享壽六十有三配王蔡人生天


順五年辛巳三月十七日申時卒嘉靖七年戊子九月初八日辰

時享壽六十有八側李氏生成化五年己丑五月初四日戌時歿

嘉靖元年壬午二月十七日寅時享年五十有四側翁氏生成化

四年戊子三月十九日酉時歿嘉靖六年丁亥十二月初一日酉

時享年六十生三男子三女子長子次子蔡人出三子長女李氏



出次女三女翁氏出晚又納側高氏生一女讚曰

駿譽騫騰鴻都傾倒鸞鷲文成鳳凰池好掌握絲綸挾搗華藻顯
將崇鄉心入抱北闕辭榮東門祖道林壑養真典憤肆考嗚呼休
哉知足為寶

嘉靖三十九年庚申清和月 賜進士出身光祿寺少卿同寅弟

華秉中正夫氏拜謨

明江西益州府典儀後石公傳

先生者雲間之上海人也諱希何字漢卿號後石官遂昌縣尹右
石公第八子右石公與予先嚴通譜誼而先生與予又為知心交

往來久故知之詳其為人篤孝友美丰姿豪飲善奕讀書日數十
行稍長從次兄靜川公遊靜川公課業嚴四五年間博通經史文
思開拓適靜川公就職京邸先生負笈從焉又二年靜川公見其
才器不凡命其廢舉業為之援例入太學就職福建惠安鹽場大
使下車之日一以愛民為先無殘忍之習而自奉尤極儉約惟布
衣蔬食為常有司察其廉陞金堂縣贊政明於決獄雖疑難事無
模糊處迨初秋會堂翁解雲南餉先生攝金堂縣篆值大水屋廬
禾稻均在巨浸隨波逐浪之民死以萬計先生乘小艇率吏役傳
諭紳董徧放船筏以渡溺民又出己資於土山高阜處搭草廬數

千間俾民棲倚又發庫銀及積穀每口日給米一升錢二十窮黎
賴以生活者不下數十萬有司偉其功陞江西益州府典儀所在
皆有善政民咸頌焉生成化八年壬辰七月廿九日時卒嘉靖二
十年辛丑三月初三日戌時享年六十有九配王氏繼任氏王氏生
成化五年己丑正月十四亥時卒弘治十二年己未四月廿四日
酉時享年三十有一任氏生成化十四年戊戌二月廿八寅時卒
嘉靖十八年己亥六月初十辰時享年六十有一生男三世鯤世
鯨王氏出世鰥女一適庠生杜成遠任氏出贊曰
其善奕也謝安之侶其豪飲也李白者流讀書法下帷之董子出

任致治蒲之仲由故位纔居平贊政名早重於益州知縣事而救
荒捐資給食築廬放舟迄今金堂之士庶疇不頌其德而揚其休
嘉靖三十九年歲次庚申清和月上旬吉旦 賜進士出身光祿
寺少卿譜第華秉中正夫氏拜謨

八世

迪功郎望山公傳

公諱萊字子馨別號望山魯天公冢子萬竹公冢孫也幼攻舉子
業由府庠生入太學師慈谿錢給諫靜齋先生友同邑龔給諫方
川先生學日加進而困於場屋嘉靖戊午謁選授南豐丞署篆大

得民心督學歲考時邑丞署篆者三四人考校童生郡各委其佐
南豐獨以屬公所拔多名士令君溫陵王公徽猷至每事咨公公
亦悉心以告相將得甚驩然公恥折腰年餘即拂衣歸矣歸十五
年而王公任江西臬憲千里貽書通問有緬懷高誼猶聚會於君
山盱水間之句為人質直簡朴心口一致俗所習巧令足恭匿怨而
友悉弗能為是其天性族黨親友氣味相投者時與往來其他一
槩謝絕有為不善惟恐公知閭里欽瞻不亞司馬端明云魯天公
既嗣萬竹公業而本生父古山公之孫曰慕曰董者將鬻其祖業
魯天公不忍屬他姓命公勉力買之公是以從萬竹公宅即今徙
西宅

居古山公宅

即今東宅

無何慕與董詒興矣撐持數年囊橐為罄及倭

夷難作居盡煨燼公愀然曰吾父子期保平樂百年業一旦漸滅

豈非天數不猶愈於轉屬他姓乎候選京華凡三載時外王父侍

御韋室唐公給諫龔公正在事有請居間以資入者慨然卻之庚

申歸自南豐余年十四公日課家塾以為樂居恆掃軌鮮對客延

燕塾師終日無倦容明年辛酉余入泮公喜訓誨益諄切常曰天

理二字隨處當記憶又命題作德日逸日休作偽心勞日拙於壁

自是實踐工夫非謾語也性孝友哭魯曾祖母杜孺人慟一疾幾

不起魯天公故佃儻晚多逆負嘉靖十八年以己亥以萬竹公命

析業三子各授田六百畝員三百兩公如茶經紀至三十一年壬
子以原田授吾父魯天公晚年生李議均分之公忻然奉命而不
言昔所分負高祖母尹孺人蓄白粳若干以備墓垣之需會歲飢
公請與仲叔三分之墓垣異日均任後竟獨任而不言昔所分粳
皆人情所難棄家十三年出任不八月歸老二十年漸次恢拓田
四百有奇復即兵火遺址築室八十餘間真大造於子孫也平生
食不重味衣不被綺閨無側室門無雜賓足不入城闔目不窺靡
麗惟克勤克儉嗣守先業而光大之晚年見余有聲庠序日冀脫
穎而五試秋闈不售則曰此時也數也無愠色病草諄諄以勤溫

習候里選為嚙比戊子己丑余幸登科甲公逝八九年矣昔衛瓘
奇其孫玠曰此兒有異於眾顧吾老不及見其長成耳若公之不
見及余登第實以余材下而遭際晚非公老不及見也噫悲哉公
生弘治十八年乙丑八月初九日卒萬曆八年庚辰七月初一日
享年七十有六配趙孺人太常曲江公松姪女溫惠淑慎日以勤
儉佐公公雖遭族訟兵火而家業不至凋敝厥由內助孺人生正
德二年丁卯四月十七日卒嘉靖四十一年癸亥十二月廿三日
享年五十有七孺人卒時公年五十九不繼娶晚畜婢馮氏止供
烹飪無寵澤公歿梵梵雙鬢寡居終身足占閨化云孫正色記

文學尹山公傳

尹山公諱萃字子耕別號尹山魯天公第二子望山公胞弟寧山
公胞兄也性孝友撫幼慈惠待人以寬外朴內耿口不言胸中
了大有父風夙興夜寐課僮婢耕織產日闕家用以饒遇編審必
躬先承役而同里有詭僻者避面折不容人咸敬憚或請居間乞間
曰奈何輸應役之費而受曠役之名為人所笑乎織者題之配馮
孺人誕一子不育晚年納婢冀再舉子不得後子朝贊仍由馮孺
人出娶葉氏公生正德己巳十二月十一日卒萬曆丙子八月十
六日享年六十有八孺人生正德辛未十二月十五日卒隆慶壬

列傳

申五月十四日享年六十有二女四公一生拮据保完先業以遺
後人而屬續之辰子督運京都嗣孫應試白下獨諸女侍側情緒
無聊怏怏以及歿亦奇矣

廩生雩山公傳

雩山公諱藻更藹字子章別號雩山魯天公第三子望山子山是
其胞兄而公最幼也敦孝友之誼與二兄同心協力以拓門祚公
尤聰慧警敏幼善病下帷發憤弱冠補博士弟子員試輒高等食
廩餼數年屢試秋闈不售二兄性執公濟之以通待人接物往往
不失其權至臨事變運籌決策沛然有餘二兄多倚賴焉公生正

德庚辰八月初六日卒萬曆癸酉六月廿一日高春秋五十有四
配倪孺人光祿署丞新溪公女繼周孺人子二長朝臣天次朝綱
娶陳氏女一適黃履中初公以次子嗣堂兄苞後迨長子卒次子
不兼承其嗣惟命養嫂唐孺人以終其身云

廩生素華公傳

太夫子諱惟孝字德潤號素華官內閣中書靜川公長公子也幼
聰穎應對進退不啻成人八歲隨靜川公寓居京邸潛心力學寢
饋程朱暇則兼攻舉業年十四才華英發下筆斐然與巨家子會
藝及書院課輒冠軍嘗與諸名宿講性理問難多端無能屈者年

十六自京邸歸應童子試補府庠弟子員時右石公已致仕歸家
居年雖耄督責尤嚴學愈淵博歲科試俱列優等旋食廩餼歷赴
秋闈運蹇不售至正德庚午公年二十九見室廬湫隘歷相四方
聿求仁里遂卜居於小普陀西三十三圖八竈港北子有五連建
五宅越三載始落成峻宇崇垣層樓疊閣極一時之壯觀平生事
親孝待人寬恢張舊業式煥新猷僕向從國平業師遊知太夫子
行實爰為之傳俾後人得以彷彿其為人焉公生成化十八年壬
寅五月十四日寅時歿嘉靖二十四年己巳三月初一日巳時高
年六十有四楊孺人生成化十六年庚子八月廿八日未時歿嘉

靖十九年庚子七月十一日戌時高年六十有一側姚氏生弘治

元年戊申八月初六日丑時歿嘉靖廿一年壬申十二月二十一

日巳時高年五十有五尤氏生弘治元年戊申正月十四日卯時

歿嘉靖二十九年庚戌十一月二十三日申時高年六十三贊曰

天亶岐嶷遊序兮濂洛關閩尋墜緒兮升彼墟兮以望楚兮聿

求新字得其所兮十門與突忘寒暑兮五桂芬芳增譽處兮自西

徂東創造鉅兮子子孫孫光邁俎兮

順治八年壬辰小春月上旬吉旦 前明 賜進士出身工科給

事中 小門生顧其言介庵氏百拜謹撰

列傳

明浙江陰縣知縣繩石公傳

公字良甫號繩石諱世鯨官益州府典儀後石公之仲子也童年
而侗儻長於言辭喜博奕善飲酒性曠達不羈甫授毛詩於家國
事有大志後石公曰若子誠聰明而狂放若是非飽學嚴師不能
使之就範圍其以付諸靜川兄乎於是命公從伯父靜川公游靜
川公知其性課讀巖巖日以勤學脩行四字反覆開導而公感且
悟起而前曰今而後惟伯父命是聽刻苦用功五年之間學貫程
朱書法亦蒼古峭折遂擷芹旋食廩餼赴南闈不售援例入太學
授廣東林縣縣丞將之任靜川公戒之曰為政以德不以刑愛民

以道不以姑息寬以濟猛猛以濟寬政事乃和公跪曰謹受教伯
父訓不敢忘及下車事無大小凡有關政治者一如靜川公言不
期年而政聲大著郡守及藩臬無不欣羨而交美之越二年陞浙
江陰縣知縣公嘆曰是伯父靜川公賜也公宦蹟二十餘年蒞治
之所物阜民安頌聲載道建生祠者數處雖由靜川公訓戒之善
而其敬承伯父訓終身不忘直與大舜之取諸人以為善等豈不
懿歟生弘治七年甲寅七月初七日子時卒嘉靖四十一年壬戌
五月十一日寅時享年六十有七偕配陳氏歲首生山陰縣訓導
頌山公長女工鍼黹善烹調識字善算公家政一以委之事翁姑

尤孝甘旨必潔盤匱必親昏定晨省無間寒暑故鄉黨稱賢婦焉
生弘治八年乙卯正月初二日巳時卒嘉靖三十六年丁巳九月
初九日卯時享年六十有一生子男二長瑞虬兼祧世鯤嗣次瑞
選殤贊曰

一味風流半生豪放基酒逍遙詩文跌宕及其奉伯父為依歸日
以道心相咨訪載稽德化大且遠陰縣人民常想望

隆慶二年癸酉正月 賜進士出身太常博士淵再姪恆所艾可

久拜謨

九世

誥封中憲大夫兩桂公暨唐恭人傳

府君諱朝賓字寅卿號兩桂華亭邑庠生 勅封文林郎山東濟

南府淄川縣知縣 誥封中憲大夫浙江杭州府知府迪功郎望

山公子也少警敏博覽羣書嘗遊龔給諫方川先生楊參知崑南

先生門嘉靖壬子補博士弟子癸丑棄家政而島夷難作奔走水

泚無寧息乙卯迪功公謁選京邸府君奉祖妣趙孺人攜小姑憮

居郡城比迪功公任南豐不以家累自隨姑及弟病殆趙孺人亦

多病姻家力請納壻府君奉迪功公命從事而以奉趙孺人甘旨

饁姑夫婦逾年姑亡則又括囊殮葬妹壻歲時往來不絕已與迪

功公先後返故土披荆棘植環堵兒女之累踵至拮据不得休矣
亥趙孺人病亟躬親湯藥不少離側嘗晝夜號天請以身代不得
哀毀骨立祭葬如禮繼事迪功公十七年念公不繼娶晨夕問安
視膳每進杯箸望山公飲食之則喜否則終日鬱鬱比庚辰捐館
悲號晝夜不輟絕而復甦葬祭亦如禮平樂公墓垣歲久頽廢不
禁樵牧奉迪功公命以所遺錙脩築如故表曰中順大夫溪山公
墓餘悉鳩工庇材以新棟宇以成迪功公未竟之志正色因場屋
且難嗣府君日皇皇厥紹是念哺冲次子紹宗壬午祭未正色連
舉二子而為場屋困如故乙酉食指漸蕃乃議析產戊子正色領

命為文木郎守杭州考績復

鄉薦己丑成進士令淄川考績承 綸為文林郎守杭州考績復

承 綸為中憲大夫門闌生色而府君益自抑損衣履噉淡不改
其初郡侯繩齋許公贈手書仙人起居額方朝夕展玩色侯仰亭
許公禮為鄉飲大賓一赴遂謝避爰念家世日惟庭訓為兢兢迪
功公嘗題隨處體認天理作德心逸日休於壁曰吾平生服膺惟
此數字子孫勉旃府君日口誦心維終身焉中年夙興夜寐以課
正色等若春秋左傳班馬諸書俱手錄授讀遺跡猶存五旬以後
稍奉西方教航海禮大士一日寢疾忽夢中若神語有所提挈覺
而囊辦香一帆致之疾遂大愈自是懋像瞻禮時緡閱經典昕夕

靡倦既承 恩命則益篤姻黨存故舊喜捐捨貧不能自存舉火
者喪不能棺殮者亟推所有賙之有負而不能償者貽書引咎則
慨然嘆息曰此君肝腸猶近古人寧有被負人而反懷人者立封
券還之晚御賊獲尤多恩澤有犯無怒答詐取多不問里中豪不
逞素以徭役相齟齬者惟恐脩恠府君絕不介意且為條陳當事
者豁除本里收解二役遇園夫野老買人蒙孺亦往往不靳顏色
故歿之日東蜀赴吊無論親疏遠近多至泣下者先妣氏唐初封
孺人加封恭人侍御韋室公女大參純字公妹也迪功公與侍御
公同遊郡庠成均臭味相投因締松蘿之好恭人出而婉順端重

侍御公純憐之公嘗夢中庭桂花盛開茶人手折數枝覺謂楊宜人曰此女異日歸朱當有好消息及歸則奉祖父母誰維謹相府君以勤儉已侍御大參相繼貴顯而茶人慄慄婦道父兄之貴無幾微見顏面祖父母具悅稱新婦賢自島夷作難年後數年府君率游儻居以至築室故土中間家政未易指屈其最鉅者姑氏贊壻祖母喪葬以至兒女婚嫁及奉事祖父終身甘旨府君拮据於外茶人龜勉助之衣必澣濯食必粗糲寸絲斗粟不忍妄費癸巳正色奉勅恤閩曰是行也多所平反以大門閭知汝能勗不待吾言聞卒樂士民為外父祖建祠於龜山書院之左春秋短豆汝

其往觀祠宇若何敬則稍為脩葺以表吾為女念正色拜命至彼
謁奠為置祠田若干數所司立石梓入邑乘還具以告且喜且悲
曰不意機會偶爾吾心慰矣訓子婦照照諄諄非孝敬勤儉不以
形諸口戊戌秋八月為茶人七袞誕辰正色以是月出守杭州同
門兄弟請座師方中涵先生為文以壽比抵里舍則正色室成茶
人先於七月謝世壽賜雖奉慈顏弗和兒跪請故曰吾念汝糟糠
婦耳晚晚年亦稍稍誦經禮火士一年之內茹素居半體殊康適
而一朝遽疾半月云殂悲哉自癸卯除夕茶人長逝正色以不得
永訣為恨故服闋後府君日捉北征而正色依依膝下不忍遠離

至壬子秋九月府君亦長逝含殮稍稍自盡獨於茶人抱永憾焉
讀司馬氏池蔡順故實未嘗不三復流涕也生卒年月子姓婚姻氏
族志狀已詳茲不具載

文學潤溪公傳

公諱朝贊字理卿別號潤溪尹山公子娶郡守葉東瀛孫女為人
篤實無偽克勤克儉深得古人治家之法尹山公授田六百畝不
二十年拓而倍之其所構舍宇所置僮僕稱是無子育余仲弟不
啻己出延師聯姻因惜厚費余亦依公塾半仰饋粥於公公視余
猶子稍膳慨然不容妹婿三人多賢者公視如兄弟歲時往來怡

怡如也尹山公晚誕一女公撫之以適望族既舉孫而見其秀穎
不凡頭角漸露喜益甚父子祖孫驩然一堂猶萬竹公之得魯天
公及望山公兄弟也丙子尹山公逝公年逾艾差役漸繁日冀子
姪輩一脫穎庶幾息肩而余亦感公恩每偕仲季赴試思一得以
報戍子己丑捷音至公喜極拍手曰吾今可安閒老矣辛卯秋試
公治裝策蹇攜子若孫同遊曰下意况甚適也歸而一疾竟不起
余雖策名南宮旋奉檄東省訃至僅於公署之旁燕室為位哭奠
七日而不獲以 天子命服拜公於生前以謝公一大恨也公生

嘉靖十一年壬辰九月廿八日卒萬曆十九年辛卯十月初四日

日享年六十配潘氏生嘉靖十二年癸巳六月十日今春秋八十
二矣猶健步善飯壽非等閒比嘗論公一生優游無累天所以厚
公也艱於舉嗣天所以限公也嗣子多孫且賢天限公而平未嘗
不厚公也余兄弟三人仲為公嗣余與季中分祖業實陰享公賜
古人一飯之德不忘况生產乎其最可欽者事吾祖迪功公儼如
尹山公終其身故余今日懷公亦不減懷吾中憲公也惜余已老
圖報無日爰作此傳詔我子孫俾無忘錢一陌云

明文學國平公傳

夫子字安字號國平諱朝綸素華公次子也少儻好讀書習舉

子業詩文清華高貴下筆成章不假思索弱冠擢芹即設家塾游
其門者俱成好彥如包宜壑葉士先其高足也既而素華公年老
佐理家政遂無暇留心章句棄舉業援列入太學延師課子敬禮
備至公性豪氣峻見事極英明發言極銳利氣象軒昂智機敏捷
鄉人尤敬憚之治家尤甚整肅僮僕不入厨下婢女不出外庭門
內無譁噪嘻嗃之聲家有舊僕數十名一日潛出滋事暴橫鄉隣
公伺得出之嚴加督責遂不敢蹈前轍或有以被誣訴公者公必
雪其冤以危迫求公者公必應其急凡有善舉必為領袖凡有交
游必擇俊彥邑有徵召無不董其事雖郡邑必咨方略家設靜室

數間書藉字畫之外寶玩雜陳一几一椅盡態極妍錦繡鋪張輝煌耀目外築小園石壁峭立松竹紛披豔蕊奇葩四時不絕間鑿小池蓮葉之亭金鱗游泳鴛鳥迴翔內有俊僕二名掌啟閉職灑掃烹茶嗜侍酒公暇則棲止其中以為養性之所其言忝列門牆於吾夫子之生平梗概不敢不詳乎言之以為後人鑒於是乎傳

生隆慶元年壬申七月初七日午時歿崇禎十六年乙酉十二月廿八日子時高壽七十有一顧孀人生隆慶二年癸酉二月二十日巳時歿順治三年己丑三月十七日辰時享壽七十有四讚曰河汾一席媿王通今高樓百尺想元龍今解晏子駿善可同今人

言偃室事必公矣兮曲逆智略才望隆兮汾陽綺麗福祿崇兮秦
山梁木景遺風兮載瞻虎氣耿長虹兮

順治八年壬辰小春月上旬吉旦 前明 賜進士出身工科給

事中受業門生顧其言介庵氏百拜謹撰

十世

中憲大夫山西布政司右參議海曙公傳

海曙朱先生其先世本汴人宋建炎間扈蹕南渡始居海上累代

簪纓相繼遂為著姓至今猶稱沈莊朱云公生而奇敏有雋才九

歲能屬文年十五補弟子員穉令鑄古下筆數千言搖搖不休時

已掉鞅藝苑矣先後受知於邑令文川部公督學初泉吳公咸以
國士待之論者謂公之文精爽斐豐不久當從聲靈霄破壁飛去
不意攻苦二十載尚困頓諸生也戊子舉於鄉己丑捷南宮筮仕
淄川貝邱山僻地商民悍而險萑苻竊發無處不有公於下車日
即嚴保甲密巡緝發奸摘伏惠愛如神自是桴鼓稀鳴境內肅然
守淄三年清介公直唯日行教化為事故士民蒸蒸嚮風一時有
召父杜母之目辛卯分校鄉試拔士六人皆山左名宿當事嘉公
循良舉卓異薦剋凡十數上迺召為憲部主政逾三年奉 璽書
行部即閱刑詳讞明允多所平反出冤濫百餘人聞者莫不隕涕

管郭仲孫世掌法曹斷刑法獄務為寬平亦葉管廷尉者七人
以公較之郭氏高門之慶又曷足多乎丁酉晉廣東司郎中時曹
侍御學程以建言忤 旨爽鳩夏月例得熟審公語大司寇蕭公
今日之恩獨無片紙加曹公如白雲丹筆何公抗辭欲上蕭公酒
亟囑科臣請之流竟不報後曹公因得以戌末減等非公慙直之
力不至此獄卒有饒姓者守圜扉重犯逸獄願以身代已而獲之
爰書既具法當棄市議者紛拏不平公白其事於大司寇趙公煥
少司寇呂公坤力辨之卒得不死眾議始息後漢劉祥道每獲大
獄必歎歎累嘆奏決之日為再不食以曩視今仁人之心何亘古

一轍也戊戌出守杭州杭因劇郡號稱難治公獨提綱挈領不以
政繁為解鎮以寬靜處以弘簡煦嫗覆育得以達其慈愛之心是
以百姓悅而安焉搏節教養息事寧人詎俗吏之所能為乎先是
郡有猾昏以賄獲罪株連及守公至即白其寃守因無恙古道照
人薦紳至今稱之嘗憶袁安尹河南政極嚴明未嘗遽以賊罪鞠
人常對人曰凡學仕者高之可望宰輔次亦不失牧守錮人於聖
世安所不忍為也舉朝凡咸感愧自勵苞苴絕跡今之為政者攬公
軼事庶乎聞風而興起矣隆萬之際璫差四出舟車驛驛稅使劉
成更極橫攫市為之罷杭人將揭竿起釁公往諭立解散之嗣陳

增亦從山左來檄公逮一巨商公堅持不許增遂不敢復問雖時
瀕海邏卒每過洋船輒張皇冠至磔以俸功值琉球有商船十九
人遭颶風飄流徼者以為倭也公力援不決適琉球貢使假道於
越驗之果其國人皆人謂凡人於倉卒顛沛中善用一言解救者
上資祖考下蔭後裔一言且然別十九人萬里之驚魂乎宜西陵
人臺石壇碑謳思而弗替也身且奏最上因功旋擢本省副憲甲
辰以憂免乙卯補山西少參匝歲之內攝符篆代監臨考軍政嚴
秋防壬事靡盬不敢告勞丙辰入覲畢公浩然有歸志遂返初服
斯時公年蓋已古稀矣有才而不得竟其用豈非天哉家居惟杜

門訓子與諸孫研究經籍暇則從嘉林脩竹紆於方履徜徉於九
峯三泖之間歲時伏臘必備戚屬觴咏累日不倦碩德高風迄茲
猶可想見逾七年公適卒公諱正色字輝曾海曙其別號也
畫鶴主人曰仁者之後必昌古人豈欺我哉語云先生曾孫鶴聞
與余同官於袁甲子完克入闈中所夕相對譚先生之梗槩最悉故樂
而論次之余考朱姓為曹挾封邑望出吳郡如漢之仲卿輩代有
名臣焜耀史冊今鶴聞系五於吳復為曹令且與淄川相等孫繩祖
武良有以夫昔朱文季為臨淮太守吏畏民懷史載其張堪陳楫
二事較公生平不差鑑泰後以子頡以儒著孫穆舉孝廉授侍御

史出刺冀州拜尚書蔡邕謂穆有羔羊之風謚曰文忠今先生作
於前鶴聞紹於後以之媿姜公肅固不待知者而始決矣庚戌進
士知金鄉縣事年家晚生新建張泰來拜撰

附潯川縣志名官列傳

侯溫和有蘊藉不喜為煩苛其行政皆有方略可持循聽訟多所
平反曰是蚩蚩者焉與刑書取一切小治辨微文深詆糜爛之吾
不忍也尤喜課士雖匆遽不廢屬歲大早晨起露立階下步禱於
郊已而雨大澍衆皆異之以為侯非能禱有所為禱也故行政有
經多事多擾徒嗷嗷於事所得已計日而問曰民已乎已十日又

復問且埋之且捐之雖有些歲之聚民得而食諸侯視淄四年刑
清事簡民安其業以視昔更倍矣

明神宗朝先憲副筮仕淄川閱三載而奏最多惠政琦幸承之
曹南密邇淄水儀型高曾之規矩未得也時或見諸彙牆每慮
遺蹟不彰特趨吏赴淄考其故實而先憲副已久列名官載在
祀典矣甲子秋琦與淄令汪公健川同事聞中道及先憲副遺
風流韻至今淄人樂道不衰始知仁澤在人心原自不爽謹附
載於此曾孫琦百拜記

明邑廩生玉屏公傳

列傳

先生諱正機字繼華號玉屏業師國平公長子僕之同硯兄也
年就家塾即解字義日誦數百行晏如也諸同硯無不敬慕而
謝之先生容貌魁岸膂力過人攻書之暇好武事習拳勇試刀劍
及戎童文思煥發用筆卓爾不羣赴童子試不售欲棄文就武余
業師曰我世世皆文學爾何武為遂不果未幾府縣試皆冠軍旋
又受知宗匠越五載食廩饑餼先生稟性誠厚事無大小不尚機
權天啟初魏璫亂政有司瞰公富用拋極營債例任意侵剝繼以
墊糧借餉派勇勒捐備受凌轢數年之間家資去半至丙寅大疫
上下共死百餘人越四載遭寇掠繼又回祿屋宇無存先生不思

天不尤人守分安命勗妻女習紡織戒婢僕勤耕種已則設塾於
家授徒課子減食節用而令嗣之得以蜚聲譽序式煥新猷者皆
先生之教有以致之也生萬曆十七年己丑八月十九日未時歿
順治七年辛卯正月廿一日丑時高春秋五十有七陸孺人生萬
曆十九年辛卯三月十二日亥時歿順治十三年丁酉九月初二
日寅時高春秋六十有一生子三長曰之仕次曰之傑三曰之成

讚曰


允文允武亦豪亦雄遭遇世變雖離于量小人道長君子固窮我
來伏莽災降祝融天命不諂守道有終宜爾後裔譽望隆隆

順治十有三年歲在丁酉十二月吉旦 前明 賜進士出身工
科給事中 年家同硯弟介庵顧其言拜撰

十一世

太學生仁哉公傳

公諱之麟字伯瑞號仁哉憲副海曙公長子也生於萬曆壬午九
月初而敏慧事父母善承顏色遇有不怡必長跪膝下俟心喜乃
起仁孝恭謹其天性也弱冠補諸生篤志下帷屢試南闈不售乃
始遊太學譽滿京師公卿輒倒屣迎之生十七年嫡母戚恭人病
作躬侍湯藥衣不解帶願以身代者數矣迨居喪哭踊盡禮宗黨



稱為孝童焉自憲副公出守杭州歷任浙江驛傳山西兵備公獨
理家政每大事必咨請而後行故家法整齊未嘗越矩居恆嚴於
律已寬於待人於取與然諾之間不失尺寸不畜姬侍不收猥僮
慎容止簡交遊賓朋滿座久而愈敬雖盛夏燕處必肅衣冠晏如
也與弟安仲友愛尤至分甘共被不異古人更喜周人之急澤及
三黨以窮困來告者竭力賑之子弟貧不能就學者引而置之家
塾時溪山公墓田為人盜鬻他姓公義形於色為重費贖之歸溪
山公墓以助祭掃憲副公既致政歸里益勤志物之養遂謝去塲
屋日夜侍奉起居扶持調護不少怠衣垢親為浣濯雖萬石家風

不是過也憲副謝世每忌辰設祭必素衣跪泣終日無笑容至於
治喪營葬皆與弟安仲共之盡禮盡力必無憾而後即安侍本生
母衛孺人敬養倍至遇有舉動纖小必入告四十餘年如一日會
衛孺人遘疾頻危公奉湯藥以憂勞致病迨衛孺人有起色而公
病增劇矣遂於崇禎壬申正月二十六日辭世年五十有一公一
生脩德勵行人無間言歿之日來弔者咸涕下失聲蓋其至性足
以感人如此配施氏國子生元廟公女天性淑婉克佐內政相夫
課子具有條理惟體羸弱善病喜持齋誦經好善以終其身云生
於萬曆癸未七月歿於崇禎壬申五月享年五十生子十人禎

嘉岸生娶包氏則嘉岸生娶黃氏胤嘉娶尹氏亮嘉娶莫氏燕嘉
娶吳氏觀嘉娶秦氏毓嘉娶王氏冕嘉娶秦氏兆嘉範嘉玩嘉皆
未娶早世女一人早殤康熙乙丑通家晚生計南陽拜撰

太學生兌餘公暨潘孺人傳

夫世家之有乘先人之有傳所以昭令德示後人也故無假諛詞
必取其實行而傳述之斯其人乃足以不朽琛外舅兌餘朱公為
憲副海曙公仲子憲副初艱於嗣中年舉丈夫子二長仁哉公諱
之麟次即兌餘公諱之驥公生而聰穎未十歲憲副公令潘川隨
任所讀書即懋義方之訓朝夕不倦年甫弱冠與伯兄同采泮芹

裴聲藝苑故人咸稱朱氏克昌云迨憲副公擢秋曹守抗郡懋轉
二司宦遠康莊公唯下帷齋頭無執袴子弟能試蹟率列高等斯
時文社方振大江左右各建旗鼓公與勒回周君閣公徐君彝仲
夏君殿府潘君諸名家尤錚錚壇坫先後執牛耳盟也惜數奇省
試終不利遂入成均公平日為人凡遇不平事則義形於色遇失
意人則提攜恐後至於春花秋月高朋滿座未嘗不流連詩酒間
也自憲副公捐館後家務紛紜幾難措理公去城郭居故宇克勤
克儉稱陸公子養中養才為賢文兄時兄嫂遺孤賓天在襁褓公
以兄事為己事猶子若己子如秀夫名毓嘉冠侯名冕嘉皆撫育

成人雖秀夫不幸早世冠夫侯則克大其家賢子均登仕成歸黨

榮之皆公賜也又伯仲兩房家產頗肥有司共簽運役一名公令

按田津貼不貽姪輩憂明季北運破家者十有八九而公獨力支

持得昌大門閭人皆友愛之報公年逾五旬猶銳意揣摩心希接

武不意戊戌寅之冬偶染瘧疾越數月不痊已卯之夏就醫於城

與親知笑語如平日為諸郎課讀不休居無何遽移掉還家八月

五日瘧之期也自辰及午逍遙門閭午後瘧發乃與姻親秦朗季

猶子錫夫名覲嘉者拱子而逝公有根器故去來了了如此時琛

以從事棘闥不能一訣亦終天恨也公生萬曆癸未八月初三未

時歿崇禎己卯八月初五申時高年五十有七原配潘太君為恭
定公會孫女光祿大鴻公女孝廉殿虎公妹毓秀名門幽閒貞靜
問安視膳悉秉於禮推梨讓棗必竭其情雖勢席履豐毫無驕惰
之習迨賦性天潔蘋藻事上御下得壺範之正足為彤管流芳者
不可枚舉而人情所難尤在撫庶出之孤次女其生母早世年方
數齡撫之如己出及女遣嫁而公已歿太君一一如禮少子端亦
側出纔三週而失怙五週而本生母亦見背太君時撫之膝前飲
食教誨倍至甫就傅而下 鼎革雖流離播徙必手攜之及長出
贅外家析產初無分厚薄至太君病革時猶嚮囑諸兄善視之孀

母之待庶子愛惜保護未有如太君者也太君平居無喜愠之色
門限絕嘻喝之聲即造次須臾而矩度不失尺寸乙未秋為太君
七十諸子姓稱古稀之觴欣然暢遂正擬旨有耄期不意未及二
載遽溘焉長逝迄於今去太君歿時將三十年所矣而追想太君
之淑德懿行猶令人欽慕不衰太君生萬曆丙戌九月二十子時
歿順治丁酉九月十七卯時享年七十有二公舉子五大夫似美竑竦
靖嫡出端庶楊氏出女二長嫡出即琛所結偶也次庶馮氏出適
趙日躋似美府庠生竦邑庠生竑靖端養潛不應試孫十二颺颺
颺似美出如慮惠慤竑竑出瓚琦珩璜竦出緒端出珩璜為成均

譽髦琦即聞孫曹令君也乙丑春仲琛過曹令君出舊譜欲脩輯
而念先人誌傳半佚於兵燹之餘故余為追述其梗概云湖廣辰
州府司理子壻莫琛百拜撰

明處士佐卿公傳

公諱之仕字應選號佐卿繼華公之子也配王氏生三子惟嘉時
嘉立嘉公性敏悟好力學寒暑無間天啟間公年未弱冠遭兵燹
難繼又回祿屋舍灰燼乃經營締構立第於故宅之西且讀且耕
補邑諸生而家業亦漸廓焉迨我朝定鼎士子蒸蒸向風皆出
應郡縣試戚友知公飽學勸再就試公默然不答良久乃應之曰


昔楊廉夫有言譬如老寡婦那堪重理嫁時衣我雖非鐵屋比而
意見頗同也蓋公生際滄桑決意隱遯此可以見公之志節矣公
生萬曆三十八年庚戌十月初九日戌時卒康熙十二年癸丑十
一月二十七日酉時身歷六帝高春秋六十有四王孺人生天啟
元年辛酉九月十二日子時卒康熙十七年戊午三月二十一日
辰時高春秋五十有八葬於南邑十七保三十三圖東圩二百號
田新塋主穴讚曰

名不必慕身焉用文抗懷鐵史曠代同羣

乾隆十有二年歲在丁卯清和月之上旬姪孫琴拜識

處士雲陽公傳

先生與先文定為垂髫交延之師席驥受業焉尤工於詩古文詞
先文定有所拈搆輒商之先生課時藝極嚴然教驥也每日士先
器識而後文藝遇之通與否命也汝慎勿千名躁進為及先文定
開東閣致書邀先生先生辭寄語以兵防積聚為務他無所及踰
年先文定即世渡浦哭極哀其篤於知己如此先生諱永泰字雲
陽先蘇人其高祖遷邑東南之周浦鎮先生幼而穎異年十二受
知於陶郡侯有飛兔流星之目顧數奇不偶而持躬準古廉潔退
讓彬彬抑抑人比之徐孝節云性耽詩書所與游皆名士晚郡守



方岳貢舉鄉飲不赴推典鄉約待以殊禮建其所於碧霞菴

呼娘

凡里中之事悉諮諏取決焉其貌古其心慈積種德積學久而

弗怠家故豐先生不事生產多購異書為子孫計四方名士之來

者飲酒賦詩率以為常雖資業日落無幾微憂戚見於顏色人有

言及為後人地者先生感然曰余豈為子孫作馬牛耶惟有書可

讀幸免題鳳足矣生隆慶三年己巳二月初三日吉時卒崇禎十

四年辛巳四月十一日巳時壽七十三嗚呼先生非今世人也聞

而章死而不亡其古之篤行文學君子哉受業門人徐驥頓首拜

謨

十二世

清處士瑞甫公傳

公諱維嘉字瑞甫行一佐卿公子也少就學天資英敏及長見家
事日落遂棄舉子業為謀生計散放婢僕無一留者凡有操作悉
以身任之娶張氏既婚率妻子戮力耕鋤夏則農冬則賈經營無
暇日非流食弗食非布衣弗衣自奉儉而奉親獨豐親有所欲不
以家貧辭取舍分明家庭嚴肅喪葬婚嫁俱克如禮故鄉人咸謂
舊家風格其未墜焉既而家業漸裕慮冠盜之來暇則練習鎗棒
無不一一嫻熟時有劇賊數名流寓塘東乘時攘竊纔半載被盜



者不下百家官捕莫能擒一夕公方寤覺門有聲啟戶視之見賊
有六七競前奔公欲入內搶劫公挺鎗與鬪斃其一擒其三餘皆
逸去一日商於外晚行遇盜公持刃格鬪斃二三人餘俱解散其
才藝有如此者公生崇禎十六年癸未八月十一日戌時歿康熙
五十三年甲午三月初八日子時高壽七十有三氏生順治三年
丙戌九月初一日辰時歿康熙四十九年庚寅七月二十七日寅
時高壽六十有五生男一承嗣女三一適唐一適吳一適吳夫婦
合葬於十七保三十三圖八竈港北二百零一號壬山丙向壬穴

贊曰

土物惟愛厥心惟賦洗腆致慶孝於高堂力侔夏育勇若項王式
邊寇虐削疆梁身資保衛家用平康詒謀未墜世有耿光

乾隆十有四年歲次己巳十二月上旬之吉姪男琴舜南氏拜識

贈徵仕郎翰林院庶吉士文學伯師公傳

贈君諱維垣字伯師其先蘇人上世遷松之周浦後人因家焉今
且子旅蕃行聚族而居尊人雲陽先生好讀書善著述贈君承其
家學日夜攻苦夙有文名補邑庠弟子員每制藝一篇成同人競
傳寫授其緒餘以得雋者甚多而君每試輒蹶鬱鬱不得志患嘔
血症嗣君姑思中副車次君入泮皆贈君伏枕數年間事親戚以

是相慶幸而病終不起然其課二子也極嚴講藝授經靡間寒暑
今長君掇巍科登高第稟之庭訓有素矣狀貌恂恂儒雅口雖不
言而飲人以和交雖日久而接人以敬後學有以疑義相質者必
條分縷析終日與言無倦怠之意里中以是推為長者有一門種
德三世傳經之譽所居讓弟別構新室令二子讀書其中顏曰竹
中書屋今名二仲居是也余雖未嘗登堂挹德輝然與長君結思
同年得第每編摩暇涕泣為余言得備悉其生平竊悲贈君之不
遇而更喜其有後也殆天之吝於其身而豐於其後者耶

賜進士榜眼及第翰林院編修年眷姪無錫華亦祥頓首拜撰

傅太孺人傳

雲南蕩平 特恩開科上海朱岵思南宮第一勗亦成進士傳唱

殿上同入館選締好金蘭甚相得也越三年岵思以慈親傅太

孺人年近古稀具疏陳情 恩賜終養逮癸卯勗承乏典試江南

踰年孺人辭世岵思屬勗為傳用闡閭德以示後人勗愧不文而

不敢辭按孺人姓傅氏邑之望族長歸贈君伯師年文事翁姑以

孝敬聞脫簪珥躬織紉儉勤之節久而彌著當岵思孳旋時孺人

喜形於色及開宴甫畢慈顏弗和跪請其故則泫然曰吾思汝父

之不見及見耳岵思家故窘三年京邸宦橐蕭然性至孝每感

歐陽子祭豐養薄之語饌必豐潔而孺人志在惜福以過費為戒
嘗以誕日稱觴年親世友遠近來祝孺人愀然曰以一人而跋涉
親友若此可乎生平每持大體訓子婦煦煦諄諄非孝敬儉勤不
形諸口其嫻於禮法如此賢矣哉宜士大夫之家咸所取則也已
賜進士第翰林院編脩癸卯科江南主考年眷姪大興王勗頓首
拜撰

十三世

鳳翔府知府柯亭朱公家傳

朱公諱琦字又韓號柯亭一號鶴聞其先汴人宋南渡時遷松江

列傳

遂為著族明山西布政使右參議海曙公諱正色其曾祖也祖克
餘公諱之驥由府庠貢入太學有聲畿社別有傳父松列公諱竦
上海學生高節醕行為郡守方公岳貢所重公幼慧口誦千言及
長博覽羣籍尤好陸宣公奏議大學衍義試有司屢困兩入都
無所遇川東道曹公節民攝蜀臬逸入幕時兼綜茶鹽驛三道公
所治井然藩司金公雋亦每以事咨為忘形交居三年忽心動告
歸未幾吳三桂寇川東人皆為公幸公愀然顧以不及與曹平其
難為恨築別業泖上讀書古松下以詩自娛曰朋松集康熙十四
年大軍勦鄭錦公佐閩藩姚公啟聖幕十七年姚公擢總督進

拔十二寨漳泉十五城以次恢復方中秋宴集諸將提音至姚公
舉蓋屬公有報最同君脫戰袍之句明年適粵東將循新例納粟
應試時尚之信方猖獗粵撫即金公也挽公勸入資捐縣令留佐
軍幕賊平始謁選得山東曹縣力別姦孽弭盜賊舉廢墜河決城
南日夜董役築隄疾風暴雨無所避田廬賴無恙總河靳文襄公
以諳練河務舉授山東兗州府同知馬陵山諸缺口水田青菜諸
山下夏秋水發直趨郟城匯駱馬湖入黃河勢尤險舊有禹王臺
當其衝相傳本禹所築捍水入流河以歸於海者也明季郟令取
臺石壘城水遂上溢為害總河王公新命議復之勘估需金二萬

兩以任公公結節工所寒暑不輟工速竣而費不及半猶牽河工
靡帑案解職總河于襄勤公知其才舉監理大工久之叙勞補河
北襄陽府同知遷陝西鳳翔府知府治行俱如曹渭水溢寶雞岐
山扶風郿四邑皆被灾公方謁撫軍於郿民懇灾者蜂聚撫軍曰
無然爾朱太守能活爾公温語村徧收灾呈三千餘紙皆唯唯退
即縣示渭河兩涯令民插牌灾地四隅書明田數誣報者許自首
寬免乃案實清丈不數日繕冊請賑撫軍服其敏鳳翔領八州縣
簿書殷湊公刺斷平允案無留牘訟庭聞然無何以鳳翔令誣揭
前令公坐失察墨吏議事旋雪而公竟引年歸民攀留數十里建

祠祝之會戶部題請開復有勸駕者公曰人苦不知足某一介寒

峻遭逢 聖明官至郡守涓埃未報顧年力就衰獨宜退休林下

教子孫以為異日報稱地耳何戀棧為公幹練有謀略為當事所

重然勤慎謙退以清白自厲常以勉其後人著有曹南東魯江漢

西岐諸讞略其族高安文端公為之序自奉儉薄而御下以寬於

戚族誼尤篤歸田二十年卒年九十子二毓沆字德先岐疑能文

十六入婁庠天以毓淞字椿嗣毓淞字滙三例貢生年十二隨公

鳳翔初於學尤屬意經濟嘗侍公夜治文書有疑讞試之應機立

辨公固愛其慧而憂其體之弱也無何亦天卒

論曰公參閱廣參軍事蓋六七年佐平二逆大帥倚如左右予苟
竄名提書覲叙一官慮無不得乃僅以贊郎注選何邪近世庸吏
臬臬訛訛苟取充位它日志乘爛然輒數百言予讀郡邑志僅不
失公姓名豈子孫所述舉不足信歟蓋瘖瘖顯晦皆有幸不幸存
焉傲倖於一時遺議於後世今人所矜而昔人所恥予於是知公
之志矣南邑張文虎撰

處士亮玉公傳

公諱承嗣亮玉其字瑞甫公之子也娶李氏生一子士龍繼趙氏
生二子士華士傑公性耿介見世人華撫之習輒心厭之居恆尚

節儉布衣草笠喜種殖有高人逸士之風嘗訓諸子曰吾朱氏在
前明時以富厚相耀言福太甚遂至陵夷今爾等欲紹復祖基其
惟務本節用字既而家嗣遵其教拓業日弘次子士華士傑亦稍
積囊資而公則荷篠田間怡然自樂不啻無懷葛天之民焉乾隆
己巳公病篤欲薄具喪葬使三子均任之士龍願獨任其事使親
族請於公公弗許固請許之越日呼長子乃受命語在文表公傳
中此可見公之忠厚傳家而挺生賢嗣也公生康熙二十六年丁
卯十一月廿五日丑時卒乾隆十四年己巳十一月廿七日寅時
李氏生康熙二十八年己巳十月初三日未時卒康熙四十九年

庚寅九月廿七日亥時葬十七保廿九圖二百十六號王穴贊曰
如聞擊壤如歷康衢熙熙皞皞樂哉唐虞

乾隆十有四年歲次己巳十二月上旬弟琴舜南氏拜識

太史姑思公傳

世祖章皇帝御極之己亥年再行會試特恩也得第一名朱公

先帝聰明四達知公為人家世孝友 陛見之日 天顏色喜語

藹下問若以得公為是科重者由是授翰林院庶吉士符泰同年

又同入中秘見公靜以持己謙以接物讀書之外泊如也是時

先帝雅好文學嚮意儒臣以館課為未足每 御史於殿上給尚

方筆札飲饌皆出大官試題其為人也孝弟丙夜親定甲乙以公
為第一嗚呼一介之士得受知 主上可不為榮歟無何 宮車
晏駕改授部曹未補公以太夫人春秋已高具疏陳情乞終養同
人設祖道供帳東都門外羨其有母也為之咏白華又惜賢者之
去歌白駒之不可留也公之卷舒何廓如耶嗣後音鴻杳然於已
酉年兩公即入雍就試得公悉公歸後色養未幾旋遭大故杜門
謝客讀書課子以靜養具天真不復作長安之夢矣越二年辛卯
五月聞公訃音符為位哭之又為文以祭哲人長辭小子後生於
何則傲無已乃覩縷公生平以為之傳俾後人有所考焉公諱錦

字天襄一字此思原籍上海世居周浦其曾祖諱正邦

公分支譜作世臣誤

以服賈起家有陰德祖諱永泰與徐文定董文敏陳扈海諸公結

為文社才名赫然父諱維垣績學雄文章以諸生終公自少穎異

九歲操觚閩中徐侍御為郡司李李試見其文目為神童年十三

補本邑博士弟子員試輒高等中士午科乙榜卒即與賢書已而

弁冕南宮三年流乞終養公之居處如此居鄉善行不勝書邑中

置義塚脩橋梁公倡首捐助雖家實窘之而義之所在身任不辭

他邑有書院上海獨無公倡興清和書院於潘氏廢園事雖未成

而文已撰又松郡志乘久不脩公與郡守單心蒐輯並助工費凡

有關地方之事靡不為之辟書畫善不以難易為問自公事外足
跡不入城府苞苴干贖一切謝絕公之好義而廉於守如此父贈
君即世哀毀骨立及貴每以不能盡孝養為恨乞假後奉太夫人
北堂甘旨必極豐潔春秋佳日板輿遨遊公必在側時人皆歎榮
之繼罹太夫人憂擗踊哭泣慕如孺子弟錚早逝遺孤未能成立
公撫育如已子教誨婚娶悉賴其力公之敦尚孝友如此平生引
掖後進如恐不及得公指示往往成名胸次灑然如光風霽月惟
以宏獎風流與氣類為事公之樂成人之美如此公體肥重不利
登陟雖性喜名山但至其下踞胡床坐嘯意與登陟者同趣會談

時舟中遇寇同舟者皆躡捷善避公獨以體故凝立在艙門後翼
公者血濺公衣卒若有神護大索不得而去符猶憶

先帝行幸

海宇不時戒塗儒臣例應扈從者皆揮汗倒衣超乘躍馬猶恐後
時公獨按轡據鞍而後至左右皆笑之 先帝乃曰是南人不善

騎者也其為 上所優容如此辛丑禮闈同考符亦與焉公虛懷

遴閱其所拔二十二人皆海內知名士其他商確以隱為玉成者
甚衆人有感恩造謝公拒勿知也其矢公恬退又如此當今 皇

上冲年講學纂脩 國史博選儒臣朝夕左右有既出翰苑而復

被遇者使公尚在得不躬遭異數若 世祖故事乎而竟終於此

夫所不朽者公之文章流布海內片紙隻字皆出自靜悟揣摩先
正而來故深秀矜貴不襲恆人阡陌而法度嚴整才情煥發見者
莫不懽服詩亦幽雋蘊藉馳豔三唐興會所至時一締思而無刺
譏憤懣之病書法倣九成宮尤善小行楷尺牘師蘇子瞻黃山谷
別饒恣態其文采風流沾溉遠近又如此聞公卧病之日誠諸子
遠聲色慎取與釋交遊不以凌躡相名高與世掎搆今三郎君恂
恂儒雅悉守先訓即臧獲以下咸惶惶稟公繩法公豈非始終一
致為近代之完人哉嘗以相知最深故質舉所習聞於公其言信
而可徵者志其大畧如上他若墓志碑表則有當代鉅公大書特

書符何敢贅焉

賜進士及第吏科掌印給事中前翰林院庶吉士辛丑科會試同
考官年眷弟趙之符頌首拜撰

十四世

清太學生文表公傳

公諱士龍字文表曾叔祖亮玉公長子也公生五歲而母李氏卒
士華士傑皆繼母趙氏出公生而器量宏遠智慮深沈稍長習勤
勞敦孝弟忻忻色養始終無懈心公根基本不厚及趙氏所生二
子各有家室乃將祖遺三析之給諸子公以亮玉公所派田產讓

與士華士傑蓋憐兩弟之貧也士華士傑曰此父命也自宜均分
公曰予家已可敷衍弟未能也卒與之越數年公富甲一鄉遂援
例入太學亮玉公疾公侍左右夙夜不離疾亟呼之起公請命竟
目視不言如是者三公曰大人得毋以身後事命高乎願大人善
保玉體勿以為慮兒豈不念二弟之力也亮玉公遂瞑目而卒公
倍極哀慟喪葬以一身任之既而士華士傑各持銀償公公悉卻
之一無所受公既篤於手足又能恤其四隣之貧者凡有借貨無
不應而未嘗取其息焉即毓賢亦屢承惠顧隣之以田求售者或
勸公削其價公曰彼有急需我可利其急而苛刻之耶故鄉人稱

長者以為范文正實為鈞復生焉有無賴某嘗失業於公一旦搶
公泥艤公絕無愠色既而岸水無賴止之曰我田雖賣我河未賣
或勸公控之官公曰我若愬縣彼必不堪其苦我奈何與小人較
也遂買其河公不獨有容人之量且具有急公好義之誠凡人
以公事來請者如橋梁廟宇及賑卹等無以慷慨出資以贊其成
而學宮之捐至今載之邑乘云乾隆乙巳公年八十會賊踰垣入
姪廷章持劍擊之中其項擒之公呼姪伴入內縱之去因揮鋤剗
地血痕以滅賊歸即斃於家蓋公雖年耄而精力思慮有如此者

生康熙四十五年丙戌八月廿二日丑時卒乾隆五十四年己酉

五月初二日亥時享春秋八十有四視孺人生康熙四十八年己丑三月十三日辰時卒乾隆三十七年壬辰四月十九日未時享春秋六十有四繼孫氏合葬於十七保三十三圖東圩一百九十六號田主穴于一進懷倪氏出即瞻源公也讚曰

誼敦孝友德被鄉鄰大巧若拙創業維新唐魏之儉黃炎之滔先民有作庶幾斯人

乾隆五十五年歲次庚戌莫春之初丁酉科舉人大挑一等即選教諭姪源毓賢拜撰

儒林郎九來公傳

列傳

先生行一諱源字九來余大夫子己亥會元此思公之益子幼承
家學弱冠補邑諸生屢試南闈不佳貢成均考授儒林郎任蓬州
佐自此思公得第後官京師家庭之事悉以委之先生一一整頓
尤善事祖母傅太孀人暨母孫孀人得其歡心暇則課諸弟讀書
此思旋里即遭母喪未幾凡喪葬諸大禮以至居恆吉凶賓嘉之
事先生代為調度無不合宜易曰子克家先生有焉此思公謝世
先生痛不欲生絕而復甦者數四繼遵母命析產無分毫私分析
後禦外侮理家政獨力支持不諉於弟善視亡叔拂鐘後飲食教
誨為叔刻遺詩為弟完婚娶備極友予之愛蓋其天性然也繼又


念叔亡有年無力埋葬不惜典產讓贈君墓之昭位葬焉居恆持
大體不事猥瑣祖稅所入刻父遺書置墓田以供祭掃篤好詩書
嚴寒酷暑未嘗釋卷配張氏溫惠淑慎相夫課子克佐內政子述
允綬先生親教之絕不離左右故長君早歲遊庠不愧家風任輿
辛酉彙解首出同考王一如先生門王先生姑思公所得士也故
余叨世誼又數年官京邸余師驛先生狀命為傳既不獲辭遂披
拾其大畧書之如此

賜進士狀元及第翰林院脩撰年家眷世姪上元胡任輿頓首拜
撰

十五世

都察院左都御史性齋公家傳

鳳翔公之孫椿字大年性齋其別號也幼孤露育於大父母年十
一從鳳翔公謁高安文端公浙江撫署一夕署後忽古樹忽產二
芝大如槃文端喜曰是兒它日當遠大因名命小字曰雙芝公行
止厚重而內實穎敏嘗從鄉先生董宏武學舉子業願喜古人歌
賦論議之文私效之董見而笑曰孺子焉用此然頗奇許鳳翔公
春秋高二子皆前沒益愛憐公年十八即為入資注府通判先是
柘林諸處海水衝突頻為民患雍正二年春朝命文端公馳馱



履勘集有司紳士策所以捍禦者鳳翔公與焉既請
祭采石築

塘大工未集而鳳翔公平公承先志勤效力木石之用沙水之宜

如素習凡十年乾隆四年工竣議叙一等銓授湖北荊州府同知

旋攝石首縣事又兼沙市通判沙市號疲難地當江口水陸衝要

商旅所集姦暴叢生公至勵保甲嚴出入禁博徒窮盜數法在必

行民大治督運入京引對稱 旨擢浙江金華府知府倡義倉興

社學士有貧不能娶致訟者給以錢幣即公庭命之婚義烏民墮

水死其族假以陷所讐案已論抵公察其証釋之民以為神邊溫

處道署鹽運使以大母喪歸服闋補福建興泉永道下車即訪獲

闖棍三十三人搜起煎製鴉片器密緝漁戶楊成美許二等虜劫
商民案盡獲之置諸法境內戢然坐溫處道任內誤薦教授王某
鐫級引例捐復補湖北驛傳鹽法道督治武昌關政兼權武漢黃
德道建議改設應山諸驛而量裁水驛以省勞擾流調鹽引以紓
商民力黃州大水按行災區稽口授食無濫缺黃梅江隄直鄱陽
湖口首當其衝公履隄周度申請加築遂絕崩潰之患擢廣西按
察使聽斷明允無留獄上林土匪陸季能聚眾為亂冒瘴癘疾馳
撲滅之釋其波累者以二十餘日歲事奏入 帝嘉悅梧州徵按

安南有廣東嘉應州姦民越境滋事其黨千人公馳勦分別流竄

無所社縱遷雲南布政使清釐積案安插耿馬土司罕朝璣等皆
懷德畏威土夷遷內地者游惰無恆業仰給於官日久難繼公請
散處民間官貸之錢俾得務農懋遷其壯者編入軍伍
帝命阿
文成公蒞滇詳核如公議書出勸耕見父老教之糞田斥水以江
南農具詳箸圖說頒布郡縣調廣西布政使公用心精密遇事不
苟故自丞守歷監司竝以幹練所侮為上游及躋藩臬務持重總
大綱不事苛察常以屬城數十人戶萬億而官民閤絕幽隱纖曲
無由身接而目察舉動少誤為害無已故往往慎守成憲然其有
所施為必長顧遠計每出一令上下翕然雖智能之士莫之易也

述職入覲 帝從容問所歷官土壤沃瘠歲時雨暘民情習俗政
事劇易公敷對如響旨中體要 帝益嚮用就晉本省巡撫俄以

兵部右侍郎 召尋拜都察院左都御史未幾以疾卒年七十有

五公性和粹未嘗立厓斤然粹遇艱險坦然無所懼相傳官湖北

時以 萬年吉地購巨材奉檄入黔絕八寨度萬山窮索谿洞嘗

陟山巔見巨蟒方屈首飲澗中屈盤古松長數丈從者悸避公色

不動徐戒無譁輕行過嶺竟無恙人皆以為難公第曰此天幸耳

嗜書籍蒐羅甚富公餘卷帙不去手籍有作吏要錄間中集藏於

家公子候補中書科中書煥煥子國學生基基季子府庠生錫光

以鳳翔公及公狀來乞為家傳如此

論曰記載或云公父未婚而夭所通婢遺腹生公外舍僕隸私養之數年始以獻故有父無母然公自撰鳳翔公行述言初生鳳翔署四年而生父沒又十年而陳恭人沒章章可攷殆傳聞失其實與子覽公子暎及門人宋思仁所列公事實年次有不相掩者輒以公所自述參定之著於篇南邑張文虎撰

國學生瞻源公傳

公諱進懷字瞻源文表公予子宗叔也為人耐事耐勞無紕袴之習肯堂肯構隆繼述之規文表公創立基業公與有力焉平生睦

鄉鄰好施與敬老憐貧惟日不足嘗至川沙於略約邊見一老人
形容憔悴病不能行公乃扶之過橋問其疾苦并贈以錢老人曰
君扶我過險受賜多矣敢復受錢乎公固與之老人因以一木鑰
牌為報辭色甚懇公笑領之及歸告文表公曰古人創脩橋梁非
徒便往來且以防墮溺也頃見道旁老人窘於危橋吾扶而過之
恐其失足也然焉得人人而濟之哉文表曰公然也它日復至其
處倡捐銀百兩眾助之遂以石易木至今人呼為扶老橋云公嘗
過沙岡見水濱一死尸惻然憫焉艤舟尋里正給錢命理之又至
嘉興見人抱一嬰兒將棄之公問其故答曰家貧妻病無力撫養

耳公又問曰爾有力乎答曰惟佃田五畝耳公曰農在荒春貧者
往往不足於食今我贈爾三月之糧麥秋可待矣因出錢六千授
之其人抱兒拜謝去公之好義大率如此生乾隆元年丙辰二月
十三日戌時卒乾隆三十九年甲午七月十一日辰時沒之日鄉
人有泣下者曰今而後吾儕困苦無周卹人矣配顧氏孝於舅姑
勤於操作公是以無內顧之憂也孺人生乾隆二年丁巳十一月
廿六日未時卒嘉慶六年辛酉九月初十日子時生子二舜琴舜
耕合葬於文表公之墓之正昭位讚曰

滿腔惻隱有脚陽春
幽明戴德蒼赤蒙仁
緬公之志聖賢為鄰

哉道澤麟趾振振

嘉慶七年壬戌小春月之中旬穀旦丁酉舉人姪毓賢拜識

脩職郎式文公傳

朱子式文余襟兄也諱述元為太史岵思先生冢孫切而敏無儂
薄風尊人州司馬公親提命之攻苦力學夙有文名十六歲補邑
諸生外父承德公特加鐘愛自為遠到器余補邑諸生較後年亦
少焉乃式文謙謙自下未嘗以意氣先人歲時會於外家聯床共
語疑義相析唱予和汝數日乃散其於書無所不窺尤善承先志
歲乙亥與兩叔父重校太史公制藝板行之維時兩叔父與弟皆

勤於治生家產饒裕式文惟讀書二仲居中謹守硯田每日幸博
一第為前人先足矣無如屢戰棘闈數奇未遇僅循例以入貢也
式文囊無餘蓄而一切往來酬應當與弟共者常以獨任葵儒林
公於贈君墓右哭泣之哀措置之宜弔者無不歎服晚年為從弟
經臺營聖渡浦往還不以勞瘁辭弟婚後數日式文卒噫式文篤
於天性取其行事備書之可以勸後世之式文若者

欽賜進士出身翰林院侍講年家眷襟弟顧成天頓首拜撰
十六世

處士黃銓公傳

公諱宗清字黃銓行一子英公十六世孫性嚴毅方正嘗復亞聖
之言曰國之本在家家之本在身吾不能以身報國但門庭細故
以身先之其家人無不感化故公一家父子兄弟最為嚴肅整齊
生平好施與篤交遊惟不崇奉神鬼遇春秋佳日則葛巾野服
于於山深林密間卒年六十一歲生康熙戊戌六月初一辰時歿
乾隆戊戌五正月初五戌時配唐氏生康熙庚子八月初十亥時
歿乾隆甲寅十一月十六申時壽七十五葬十九保廿八圖一千
八十七號父瑩正昭子二漢傑漢英漢英為吾祖道公行狀甚詳
為書小傳入譜牒以備采風者擇焉曾孫男汝梅識

八品銜奏南公傳

公諱舜琴字奏南天童聰明英姿卓犖豪俠好義物我無私年甫
十八遭瞻源公喪經理大事井然秩然以家政繁冗棄舉業入資
捐八品職銜公有才略善結納踪跡所至蒙豪俊傾心雅與邑令
相善聞聞以是憚之初文表公溫良敦樸里中有欺之者至是恐
奏南公之脩怨也因使人通恫設優觴以款之且使顯者陪坐公
赴宴歸謂文表公曰聞之禮無不答今彼既好我豈可復念舊惡
哉乃亦設優觴以款之兩家由是遂和至上邑有鄉民被仇家冤
陷竄名血案中縣符屢下乃匿城外姻家或告之曰明日有浦東

朱奏南者來此好義人也汝若求之庶有生理至明日公果乘馬
至鄉民稽首馬至前連呼大人救我公未識其人也促之起答曰
大人許我我可起也公許之其人即邀公至姻家泣告以故且曰
小人櫻不測之禍家貧貨賂不足於用交遊莫救視今日遇君是
某更生之日也公慨然曰誣狂如此我雖不才敢不脫爾於危哉
乃盡以所帶金銀傾囊營救之用猶不給更即所乘馬賣之鄉民
因是免於難他日遇諸塗其人叩謝公絕無德色馬時冠盜充斥
有外郡賊流寓富家竊公衣物而去他賊謂曰得巨禍矣朱奏南
之家不可竊也彼賊大驚公懋縣懋府限捕拿解賊愈深匿捕廳

以不能獲賊將褫革因浼縣造門謝罪公曰賊夥甚大邑中被竊者數百家皆懼招怨致彼侈肆我若寬假賊不愈無忌憚乎今賊巢所在予已使人偵得之矣須督差捕各役掩其不備而抄之賊眾可盡獲也縣尊如其言果擒獲四五十人因縱火盡焚其巢餘賊逃竄不知所之至秋海濱有刈薪者見蘆葦中有枯骨數具蓋賊恐出而被擒故伏匿至死耳由是一邑安枕官民皆蒙其庥焉公生乾隆二十二年丁丑二月二十三日酉時卒乾隆五十年己巳九月十二日辰時享年二十九歲聘吳氏未婚而沒氏生乾隆二十四年己卯正月二十八日卯時卒乾隆三十七年壬辰八月

初一日寅時享年八十四歲娶范氏生乾隆二十四年乙卯五月
二十三日子時卒乾隆四十七年壬寅七月二十四日酉時享年
二十四歲繼陸氏甫三年而即寡守節四十八年氏生乾隆二十
八年癸未二月十六日子時卒道光十三年癸巳十一月三十日
巳時享壽七十有一子二玉涵范氏出玉麟陸氏出葬於文表公
之墓域正穆位讚曰

有平原君之度有杜季良之風非晏子而拯越石非相如而契臨
邛豪猾魄奪崔符數窮嗚呼使蒼蒼而假之柄兮安知不步武桐
鄉頡頏蔣帝而廟食江東

歲豐十有一年歲次辛酉孟秋之月再內至陸鳳苑拜奠

咸豐十有一年歲次辛酉孟秋之月再內姪陸鳳苞拜撰

國學生象南公傳

公諱舜耕號象南瞻源公第二子余宗叔也公生數月而孤母顧氏憐之珍惜倍至幼聰明敏好讀書丰姿俊雅器量恢宏戚族咸以獅兒目之甫十三歲而兄奏南卒時封翁文表公年老不治事公奉其命凡租稅出入咸經理之而總其會計焉而內奉母訓外稟師承讀書仍不少輟十七歲而文表公卒喪莫盡禮逾年援例入國學偕配吳氏勤儉整肅內助稱賢寡嫂陸氏分箸有年公敬之如母有事輒助之嫂賴以安猶子玉涵玉璘年尚少公訓誨不

稍寬皆畏之如嚴師焉惜彼蒼不佑捉其春秋祇二十四歲而亡
使天假之年必有卓卓可見者傳當時而垂後世矣生乾隆三十
八年癸巳十月初四日子時卒嘉慶元年丙辰八月初六日午時
首舉一女子而一男子以遺腹生焉譜曰

天可必乎仁者不必壽天不可必乎善人必有後緬公之嗇於壽
而昌於後也益以徵先哲立言之不苟

道光十六年歲次丙申仲秋之月穀旦 壬子舉人蕪湖縣教諭

姪聞先頓首拜撰

象南公配節孝吳孀人傳

吳孺人象南朱公之配孺士翼蒼吳公女也幼聰穎女紅之外深
明大義父母咸奇之乾隆五十六年歸象南朱公時年十八事姑
以孝聞嘉慶元年孺人年二十三時僅有一女象南公病祈禱竭
情願以身代象南公卒孺人呼天搶地誓不欲生時適有娠姑勸
之曰爾死我將曷依且分娩在邇幸生男宗祧永賴矣族黨更慰
勸之良久乃止越數日而生衡塘朱公焉於是奉姑撫幼職中饋
課農工以一身蒞之皆井井有條理性明察凡鄰之傭力於其家
者人雖衆必察其人之勤惰而賞罰之故凡有興作皆不敢欺而
樂為効力焉嘉慶六年姑顧氏卒喪葬盡誠哀毀如禮時衡塘朱

公纔六歲孺人雖愛之而教責不少貸自家熟出每晚課其所讀
然後命之寢嘉慶十六年孺人因居室湫隘拓宇十餘楹既而男
女婚嫁事日以繁而拔墻丕基有加於舊鄉黨以是歎其能性嚴
重居恆不苟言笑僕輩田間謾語聞孺人至輒肅然親戚有請見
者雖造次必脩整然後出其動遵禮法如此子孫世其規故門內
無嘻嗃焉道光二十年庚子孺人年六十七例得請獎江蘇學政
毛給節勵冰霜額咸豐三年癸丑孺人年八十衡塘朱公欲為之
祝嘏孺人弗許曰以一生辰而外傷親族內費已資我誓不為而
親族之悉其悅辰者咸躋堂稱慶焉平生和其鄉鄰惠及童稚衣

簞食淡忘其業之豐宵杼晨機不知力之困及晚歲霜雪盈鬢而
神明不衰孫曾滿前而訓誡弗倦蓋其冰蘖在抱節儉盟心歷終
身如一日也生乾隆三十九年甲午正月二十二日戌時卒咸豐
九年己未十二月二十三日未時高壽八十有六生一男子一女
子有孫二人曾孫六人讚曰

無愧於死乃可以生勵節之苦協坤之貞卓哉孺人撫孤志壹行
之惟藉所其無逸機則孟母績勞敬姜克勤克儉寢熾寢昌綽楔
揚芬閨闈仰德子子孫孫垂光無極

咸豐十一年歲次辛酉清和月吉旦世再姪陸鳳苞拜撰

十七世

武庠生潤輝公傳

先生諱玉涵號澹園園奏南朱公之長子潤輝其字也幼好讀習武
事弓馬擅長稍長應童試入武庠屢試秋闈皆不能售而聲氣則
日廣矣時官吏浮收書役舞弊先生伺其隙而攻之必使乞哀伏
罪而止衙前都憚之與五竈閔雲驤為忘形交嘗縱論世事閔自
愧弗及有事來諮訪輒為之畫策焉故鄉里姻戚皆倚之若長城
云性豪放遊平康里雖揮霍千金不惜也尤嗜酒遇賓客至暢飲
達旦或呼鄰人共之無不盡醉而止嘉慶甲戌赴歲試疾作卒於



客邸聞者莫不流涕焉生乾隆四十四年己亥九月初二日午時
卒嘉慶十九年閏二月廿六日巳時高年三十有六聘申氏生乾
隆四十年乙未二月廿八日午時卒乾隆六十年乙卯六月十二
日未時高年二十有一繼周氏生乾隆四十一年丙申十二月三
十日亥時卒道光二十一年辛丑二月二十日子時高年六十有
六葬文表公墓東北數步跳穴新塋號曰

神遊蘭錡名噪膠_多岸_變我弧矢射彼貪狼淋漓酒國跌蕩歡場信
陵復起可與頡頏

咸豐十一年歲次辛酉孟秋之月姍姍陸鳳苞拜撰

國學生瑞齋公配馮孺人傳

先生號瑞齋諱邦泰國學生原諱玉璘字魯珍處士奏南朱公次子幼孤性敏悟髫年就傳書義輒了了事母克孝事兄克恭居家能勤無縱逸志用財惟義無吝嗇心有孔北海之豪交遊雅多名雋有魯仲連之義戚里咸託帡幪優賓師而設醴克繼權輿吟風月而寫懷不煩雕飾嘗曰人生豈必廊廟哉居鄉亦有事業也喜盆卉善音律庭除窗戶望之蔚然簫管笙簧洋洋盈耳時則與賓友一彈再鼓觴詠其間洵足樂也好臨池揮灑終日不輟既善行書又工篆籀然不自矜惜寫罷輒為人取去云生乾隆甲辰九月

二十日卯時卒道光丁亥八月初六日申時享年四十有四配馮孺人處士裕玉女儉於奉己勤於治生嗣美當熊分勞弋雁陸太孺人先生母也嘗指馮孺人而謂之曰此汝賢內助也性謹慎生平不議人長短鄉黨稱之生乾隆辛丑六月二十四日卯時卒咸豐乙卯七月十四未時享年七十有五子四曰明鏡明曜明奎明鑑兄弟友愛有古人風謚曰

置驛朋來書雲賞愜不冕不軒亦儒亦俠既匹蘭尸遊舒瓊葉澤貽後昆翬爽蘇協

咸豐十一年辛酉清和月吉旦媼姪陸鳳苞拜謨

太學生衡塘公傳

公諱玉璣字璇玉別號衡塘象南朱公之幼子也母吳孺人以遺腹生公於嘉慶元年丙辰八月十九日未時幼端謹不苟言笑讀書有程度為文不妄下筆而語必中肯綮弱冠即操家政遂棄舉業援例入太學公為人幹畧才氣倜儻操守介然鄉里有是非來愬者公為剖別曲直後皆不敢有異議其或事經纏訟曾係冤抑必竭忠救之雖往返數百里不憚也及事平未嘗有德色道光三年江蘇大水撫憲請帑賑民縣諭督保造飢口冊籍以報時紳董皆捏花戶以規厚利而貧戶或不之及鄰董有勸公從俗者公

不為動里正以賂啖公公峻拒之既而具冊報縣邑侯蔡公察公
廉且正語座客曰不欺君不病民其君子人乎贊歎久之後董濬
運河公戴月披星倍嘗勞勩不苛派不受賂同事皆憚其剛方而
心竊義之事竣邑侯勞以筵宴且欲贈獎額公固辭而止性豁達
有大度姻族頻年假貸逋負約計鉅萬往往貧不能償公弗問也
有鄰人好樗蒲袖田券詣公抵田錢後數年其母來告曰不肖子
昔年債其留以為抵竊之於予者也今渠逃亡予將售此田以作
稗願君憐之公曰券固在也飛蚨奈何媼戚然曰未能也公即檢
券還之他日媼以子母來公僅取本之半餘悉卻之鄉人由是愈

重公公居恆粥粥若無能一旦有事奮發蹈厲辭氣侃侃見者聳然道光十八年營建新第分給二子或謂之曰兩宅構於兩地則局更寬宏矣公曰兄弟手足可使之睽隔乎里中有保和橋者八炤東西孔道也歲久傾圮公倡捐重建丹碧一新行人便之咸豐九年九月吳孺人病公親侍湯藥寢不解帶者三月有餘見病勢增劇額天號泣飲食俱廢旋至肌消骨立氣喘血升而侍奉之誠仍不絲毫假借既吳孺人卒公呼號擗踊哀毀逾禮而病亦日增矣每謂心如迪園兩先生曰養生送死人子大事際此四方擾亂而阿母已葬我死無憾矣爾輩勉之竟於咸豐十年庚申五月十

八日巳時棄世高春秋六十有五公平生恭而有禮謙而有制善
言談音響琅然丰神藹若客至款洽終日娓娓不倦有文徵明何
元朗之風焉德配閔氏生三男子三女子長時行次貽哲三詒緒
詒緒未婚而夭長女適周次女未字而亡孫男六孫女三贊曰
無夷之隘有惠之介魯桑梓恩嚴理欲界楊震麾金蓋膏棄積有
善必為無惡不戒子孫其昌典型勿壞

咸豐十有一年歲次辛酉小春月上浣姍世姪陸鳳苞拜撰

十八世

太學生筠溪公傳

列傳

公諱式金字成剛別號筠溪行一萬華公子芳姑夫也幼失怙恃
即自知力學舉止如成人其舅氏藜照申公歎曰此子有紫陽遺
風迨長喜談性理不屑攻舉子業故一試而罷設家塾嘗謂讀書
不在識字要曉得做人之法論語弟子章以孝弟言行為重文次
之論者謂其將表率一方焉暇則吟風弄月種木栽花為悅情娛
老之計歲己巳補國子監學生越明年即患疾症公誠諸子曰吾
死無日矣爾等勉之做家先要做人毋棄耕讀毋墮品行毋事嬉
遊以貽前人羞有苦吟詩四首誦者為之流涕以為斯人也而有
斯疾也天何酷歟生乾隆壬辰三月廿九卒嘉慶壬申正月廿一

配顧孺人勤女紅善主中饋公卒後治家一如公生乾隆己丑十月廿四卒嘉慶己卯七月初三葬密港祖塋之右子四汝梅汝霖汝翼汝為汝梅邑庠生為芳業師後公十二年卒亦祔焉孫五仕策汝梅出仕邦仕國汝霖出仕朝汝翼出仕任汝明出贊曰公生沛國而性聰慧設塾授徒研究至詣有燕山之義方學林逋之遯世身託田園心無芥蒂此品高學邃之流為周代小邾之裔道光七年歲在丁亥春正月內姪顧蘭芳拜撰

義士進行公傳

義士名成儀字進行于海公長子余族弟也生道光癸未十一月

二十日未時少就學凡七年作小講頗清順即習農既受室析嬰
與妻張氏同作苦家日以裕咸豐辛酉余奉邑尊鄧諭辦民團十
二月十六南橋兵潰賊由兩塘下官弁奔避至十七陷奉賢十八
陷南滙十九陷川沙以三天失三城直竄高橋南北百里晝夜通
紅號哭之聲震動天地折臂斷頭之輩路塞盈溝此人人所錐心
泣血者也更可惡者沿途設卡碁布星排見則擄逃則殺余呼進
行而告之曰民與賊勢不兩立若畏而避吾輩無容足地矣不如
乘賊心未定破其鄉卡驅賊入城大兵至可一鼓而滅進行曰善
遂約各董廿一日晨起與父母訣午後率義民擊陳家行黃家樓

等卡破之廿二日自六團灣小普陀往北直抵川沙連破鄉卡十
餘座賊膽喪閉城不出廿三高橋賊大衆南來進行會各團民四
面奮擊賊方北竄而土賊祝阿榮教之使城內賊從南北東三門
抄出將義民截作幾段北賊又回擊義民遂大潰進行以衝前力
戰陷賊陣被戕死年三十有九賊退哲為稟縣請卹蒙批殺賊捐
軀自應詳明請卹以慰忠魂嗟乎人誰無死遲早別耳况浦東死
賊難者不下十餘萬而進行能以殺賊死上可對國家下可對隣
里雖愚夫愚婦言之莫不凜凜所謂死有重於泰山者此也張配
氏無子贊曰

剛方性質激烈心胸非兵非將荷戰從公舍生取義浩氣貫虹南
沙之傑而國之雄寵恩下逮表節旌忠卓哉進行名重江東
同治六年歲次丁卯桂月上旬成俊迪園氏敬撰

廿世

誥贈中憲大夫刑部主政贊虞公傳

公諱紫佐改紫綬字襄廷號贊虞太學生碧溪公仲子也性沈靜
學問宏博由邑增生中光緒乙亥鄉榜丁丑連捷進士 殿試二

甲 欽點主事籤分刑部貴州司行走人以為紫公恬淡自若事
母孝治家儉人有以事來愬者必多方排解從不以干有司時邑

城芸香草堂極廢弛光緒甲午公知經費稍裕經史詞章算學分
四齋兼帶時務冀以博通今古為他日有用之才並捐置中外各
書以備寒士緡閱論者謂其有胡安定之風五園蕩向為普濟堂
公產自諸董總佃後多假公濟私沙民不平幾至釀成巨禍公建
議召賣條陳大府大府知公能獎勵飭辦不數月間近地貧戶均
得沾溉承佃上以儲公款下以協輿情實兩得其益公胸有幹濟
不啻宣聖之籌富教以子惠元元所惜時處艱難科舉廢制度更
加以人情之變幻多端而蕩事芸香至今日不堪復問長城之倚
特檀道濟一人耳吾朱氏宗祠歲久傾圮乙未秋由公募捐建正

廳一座乙巳告竣而公已先時坦化悲夫公世居墨稼莊無良田
美宅惟藏書之富為浦左第一家著有百花溪上草堂海山浦水
草堂詩文集尺牘若干卷未刊德配徐九穗女子二硯疇裕疇俱
太學生女一適喬楷側姚子一新疇女一未字孫二聞楫聞善硯
疇出藻夙領公教益知之最詳爰滌筆而為主政傳讚曰

公一寒士而富縹緗品高學粹桂杏聯芳留京數月急整歸裝烏
私願慰誼篤梓桑公性落落不參公堂曰富曰教小試一鄉沈莊
宗祠賴公裁量規模式廓以奉丞嘗公倘有知在上洋洋

光緒三十三年丁未冬十一月中浣宗姪鳳藻拜撰

前刑部貴州司主事加四級贊虞朱君行述
君諱紫綬原諱紫佐通籍後更今名字襄廷號贊虞行二為宋
相勝非苗裔勝非有孫曰貴一南渡後由河南官華亭知事後
遷浦左故君世為南匯縣人祖坤毓父璠太學生皆以君貴誥
贈中憲大夫母徐贈恭人母周封太恭人君少孤墨稼莊故居
燬於粵寇與兄敬庵茂才分析遷徙而太恭人君奉以侍養咸
豐十年庚申學使者孫蓮塘侍郎試君詩古評其卷曰峰泖之
間此其翹秀拔取閣屬第一即入泮光緒元年乙亥以優增生
應恩科本省鄉試中第十七名舉人三年丁丑會試中第四名
貢士九年癸未補應殿試欽取二甲四十八名賜進士出身朝

考二等七十八名欽點主事籤分刑部貴州司行走到司當月
勤慎稱職念太恭人年已七旬中秋後又接兄敬庵茂才之赴
遂以母老丁單陳情請假於九月二十七日抵里自此授讀娛
親不求聞達且在京目睹時流方趨於逢迎奔競而君廷試對
策以先富教後富強為主旨政見不合行道非時遂怡然無出
山之志矣君少從秋岩家先師遊後更執贄於張嘯山先生門
下淵源有自學問博通於書無所不讀雖岐黃家亦皆瀏覽尤
潛心於經史有用之學嘗謂士人學問文章事業氣節皆從書
籍中得來今承百十年溺於空疎無用之後時文但當多讀書藉以
明理立身應事其偶發為詩古文詞讀書餘事耳然讀書多得

詩書之潤澤詩古文詞自不覺其佳而自佳故國初諸儒謂此
刻但當著書而且緩講學者今則但當讀書而且緩著述是以
君著述不多然觀其所著下筆千言明白曉暢當機立斷切中
事情詩古於小小題目多寓深遠之意君欲多讀書因此酷事
買書本係寒士平素服用吝嗇而買書獨不吝君為人慎默寡
言和平溫厚觀其文不類其人性廉介凡事為衆人所趨則必
退後衆人所熱則必淡然然地方或有不平者則必投袂而起
慨然凜然有古任俠之風鄉里有爭偶為排解必使兩造和平
解釋最惡訐訟其一或有願訟請者即掉臂不顧君篤於師友
之誼幼業師為顧默卿處士吳怡生學博處士老獨貧奇子又

被擄不歸君為營壙塋學博逋公款監追在省且更病瘡自謂
無生還理君為籌寄藥餌鬻產五百金代償學博獲歸故鄉秋
岩家先師偕配華先後病且歿於台樓廡舍君與門人扶櫬歸
塋有至友沈梅峰上舍傳蘭初明經兩君歿作詩痛哭親臨吊
奠并為諄囑其家一切備至君尤愛惜士類當光緒二十四年
東海滙角有木船失事某董誣指富室苛賠一案士民聯名上
控請為昭雪語侵縣令君初不知及急來商計君聞大忿謂士
類乃地方元氣奚可坐視即為多方營救不惜竭產赴之而始
事之某董竟置身事外焉君於官署照會諭辦息借紳富等事
常以愛惜地方為重而不肯苟從官府以謂叔季之世無善政

柄政者既多聚斂之才地方人士奚堪再助以牙爪而令吾民
之羅雀掘鼠當此中飽世界國與民必不兩得其益設將來一
借不還地方安能與官力爭吾輩將何以對地方父老每太息
曰百姓為國家根本地方財力為百姓根本為地方愛惜財力
即為國家愛惜財力民貧而國獨富民弱而國獨強自古未有
也君嘗兩董開浚小腰涇河工一在光緒二年先於同治七年
以經董草率偷減與地方人士呈控重浚果僅隔七年河淺議
浚向例白蓮涇小腰涇長浜呂家浜一幹三枝同時並浚至是
君分浚此河即獎勵夫役認真工程用能開見計家石橋水盤
論者謂為第一次云又小腰涇北口有黃泥墩行船常擱淺肇

禍請於總局開脫不脫君即墊款發担賣挑不日而畢至今利
賴之由是隔十六年之久光緒十八年開浚長浜呂家浜此河
向與同時並浚者竟尚深議緩至二十三年而浚蓋已共緩二
十一年矣一在光緒二十三年此次河工獨鉅南堤放至一王
廟南三里餘北堤放至丁家橋外一里有餘車堤捐他董加至
三十二文者此次仍減至十二文君蓋謂能節省一分局費即
多加一分河工能盡一分心力即河工多隔一年開浚並多寬
一分民力地方之暗受裨益為不淺云君善獎勵學者自癸未
乞假南歸一意為地方造就人才凡及門士之來游者或親好
聚晤縱論所及常舉學問文章必從經史中出方有實用之語

告之且必勗之看書又必假以書流風所播風氣為開復以一
文社一教室之教育其範圍太狹須令普及二十年甲午中日
一役吾國貧弱之形愈露世變愈亟士人愈不可不知中西之
故知芸香草堂經費稍裕即與陳望三諸君議增齋增課增額
增獎以謀有用實學之普及堂設經史祿學詞章四齋各延齋
長校課前君留京時寄書某大令請聘本邑張嘯山先生主講
芸香某大令不答事寢先生後受南菁書院之聘君有楚材晉
用吾邑可謂無人之歎蓋君欲整頓芸香久矣至是以邑人士
之請即長史齋各課先以輿地命題所取前列必擇原原本本
殫見洽聞之卷以書院非場屋可比場屋則掣取一事以試平


日學識書院之肄業必檢閱群書從容成卷故不苛限時日造
功候既深學識閱遠始可為有用之學蓋士淑於時文俗學久
矣是用其誘掖獎勸俾奮志於有用實學也由是吾邑文風遂
此為之轉捩二十五年己亥詞章齋長王子勗先生歸道山君
兼長此齋賦題初擬漢魏六朝以為賦者古詩之流必宗古人
為根柢繼以史漢紀傳書後命題詩以擬杜欲學者全讀史漢
杜集則詞章皆有源委二十七年辛丑史學始以三通攷分類
命題令摘其大要主於極簡極明後寫己意仿史贊體論列其
是非得失用覘學識以為學者從事三書題畢而書亦卒業古
今掌故政治之學已得其門徑矣又為芸香厯年籌購中西書

萬餘卷由是士子學問有所取資焉君辦理普濟堂蕩田事首
能採其肇亂之源從而施以治安之本所上條陳列憲均加獎
避吾邑五團外全蕩為普濟堂公產光緒二十一年乙未五董
佃樊鳳翔等議增租惟期限未滿沙民梗議訐訟逼迫易佃民
不勝董縣獄已繫黃尚忠等數人二十二年丙申六月樊董薦
將佃首王金生中途劫去群佃又拉鳳翔于化鈞去樊即添砌
重情稟縣請兵防勦滬軍東赴竺橋將為搜剿計有點者竊謀
死鬪金生弟王四頗曉利害與君有舊乃囑其妻優禮化鈞身
潛西來就君商計君即建議先歸化鈞徐圖善後王即以化鈞
送屬君七月四日即歸化鈞於縣君謂五團起衅根由非民心

好亂實佃董辦理不善欲弭巨患非革除董佃更易公正紳耆
不可乃馳商于香草張心一兩明經及亮四人聯名上書於府
委姚子物大令通報各憲時撫軍為趙展如中丞始怒董稟不
實飛檄滬軍撤防并飭永遠隔除董佃名目天下收地歸堂之
諭君又建議欲使五團蕩患永絕根株非本孟子制土著沙民
恒產不辨官躉其議即黃涓生等得佃草蕩八百步群情由是
以定又斯時所定租息畝收龍錢兩角視年之豐歉為損益是
謂徹法君則倡議減半永佃不易期滿始增是謂貢法由君念
沙民大難初平元氣未復不堪剝削故宗孟子寡取之旨而為
此議也于香草嘗與亮書言為劃蕩事到蕩親訪一切始知主

政實有大功德於民當兵難之日沙民室家器物一切毀空至
於不敢居室群伏防外莽草中露宿風吹皆所不計自主政出
而民心始安其功自不可沒蓋紀實也二十五年己亥秋大府
以公家度支奇絀通飭沿海新洲一律召買而普濟堂圩內田
租不收者三四年各董皆束手二十六年庚子冬前邑侯吳次
竹大令君乙亥同年也知君裕經濟有肝胆舉君一人經辦詳
報各憲君知任大責重辭不獲命乃建賣蕩保田及買佃先儘
土著之策條陳各憲亦均獎勉飭辦君復陳書吳侯曰五團沿
海沙民生齒日繁苦無恒產光緒二十二年肇事巨禍幾成然
經綏多方開導未見真有梗頑難化之人迨酌提外蕩八百步

俾承佃以資生計而務以盡數歸與土民分毫不准容民加價承佃為要領故民皆帖然謂綬之不利也民心實自此定矣繼其後者誤在蔑視土民而自逞豪強以圖兼并迨民氣鬱然不靖則從而尤之不幾迫之使化良為莠也歟君侯有見乎此慨然思救此一方水火而齒及鄙人沙民一聞君侯有字民之心直不啻同歌來暮蓋雲霓之望迫矣綬桑梓之鄉義不容辭所定外蕩一千六百步既減前董舊定之價四成有餘先儘土民承佃前派承佃之八百步又減五成有餘故輕其價不准他戶混充為土民曲全此舉君侯以此策為除禍根本綬籌思數日而得之若以此為定盤之針君侯一見即知其深處何其



神也緩意此蕩惟土民得之俾之築圩塘濬溝洫闢草萊費四
五年經營之力為地方數百家頓增沿海六千餘畝之良田大
興利源潛消隱患將來沐生成之德溯倡始之功非君侯誰屬
哉濬渠興墾史策貽芳方之古人何多讓焉撫軍聶帥於此事
獎勵甚至是尤君侯真知己也二十七年辛丑六月吳侯量移
鎮洋汪侯重蒞任君一力疆理蕩事遂於是年十月開辦賣佃
定限兩月豈知沙民踴躍爭買佃者咸愿新舊并完半月之間
圩外二千四百步一律完竣此君定議輕價賣佃先儘土著之
明效也不料事未及半而君竟溘然逝矣嗚呼痛哉二十八年
壬寅正月君送幼子新疇赴上海梅溪學堂肄業體素壯健二

月初四歸自滬猶無恙越夕忽中時毒君知醫自謂可藥知次
子裕疇縣試前列戒勿以聞不料卧病四日竟致不起易箚時
惟注念芸香五團二事餘無一語及私者儲書近十萬卷外家
無長物至無殮衣其潔清可想綜君動靜嚴正踐履篤實操守
不苟澹於榮利為學以主靜居敬為功夫後致慨夫生當叔季
世惟知自私自利者可以安身立命而不知此外尚有大本大
原者在因凡往來酬酢既無志同道合足以辨析疑難因於閒
居無事時相與舊識論人論世而君每致默然則其感慨亦深
焉矣君歿於光緒二十有八年壬寅二月初十日亥時生於道
光十九年己亥十二月初八日午時得春秋六十有四歲配徐

生子二硯疇裕疇太學生女一適喬蓮室姚生子一新疇女一
孫二聞樨聞善曾孫一福濱著有百花溪上草堂海山浦水草
堂墨稼在吟稿厲園叢稿等詩文集尺牘及芸香草堂史學詞
章校課評語普濟堂蕩田事條陳公牘各若干卷待刊
光緒二十八年歲次壬寅二月既望姻世弟顧師亮拜手謹述

月初四日歸自地... 子格時... 惟注念... 無長物... 不為... 其... 卒... 聖... 蘇... 子...



朱節母趙太恭人秋窗課子圖序

秋窗課子圖者乃南匯朱變臣茂才兄弟追思節母乞 王君一亭

所作也茂才世為邑之右族先世即以文章節義表著當世而母氏趙淑人尤以守節撫孤悲感鄰里聞淑人系出邑之舊家嫻詩禮謹容止先是邑遭寇亂紳舊之家每有式微之歎淑人與妣氏勤劬事畜稗尊考錦菴公及叔考比部公壹志讀書無內顧憂比部公旋領鄉薦成進士官刑部主事錦菴公亦屢膺薦未幾賫志而終淑人痛失所天誓以身殉姑氏周太夫人撫之曰汝死其如我何其如汝子女穉幼何淑人飲泣從之蓋當日茂才之長兄

甫十三齡仲叔更幼弱茂才祇五齡耳淑人茹痛含辛上事髦姑
下撫幼女穉兒手則勤女紅口則授章句青燈夜課伊唔滿室慈
母嚴師以一身兼之十餘年如一日也甲辰歲燮臣始補博士弟
子員淑人稍展顏曰吾忍淚課汝曹得紹世業可對而亡父矣後
因茂才之長次二兄及姊氏先後物故淑人憂痛之餘稍覺不適
然精力固如舊也忽於己未歲正月初十日無疾示終享年已七
十有七矣茂才兄弟銜哀舉祭葬如禮今距淑人之卒忽已三年
而茂才兄弟追思母德有如孺子言及其母未嘗不泣隨聲下爰
屬其戚王一亭君繪為此圖徧徵題詠嗚呼母之賢子之孝皆於

此圖見之矣夫人之生於天壤間而能仰不愧俯不忤者一本性情之正而已然立身之始孝為之基從未聞不能孝其親而仕能忠於君出能信其友者此固亘古今貞常不易之理也閱此圖可以為人母者教慈為人子者教孝所關風化不綦重歟故不揣譎陋為書其緣起如此

民國十一年壬戌四月賜進士出身翰林院編修世姪彭澤許業笏拜撰

先慈趙太恭人己未棄養歲易三周追念昔年教育勤劬之苦爰乞王一亭表兄為寫秋窗課子圖感懷述哀謹成七律四章藉貢

當世宏達君子乞賜 褒題以光泉壤

追憶萱庭最苦幼髫齡先見大椿枯賢師兼任原賢母少子

何堪痛少孤紗幔傳經勤講誦荻灰畫字識之無秋窗永夜

重回首乞取丹青入畫圖


穉齡問字感恩斯燈火青熒母即師斷織風追千載上停鍼

漏盡五更時書聲繼續蟲聲起梧影迷離月影遲淒絕北堂

含淚課當年况味有誰知

式微門第重承先小子成人賴母賢方冀孔長歌愛日誰知

飲恨抱終天神歸蓬島經三載文借騷壇煒九泉寸草春暉



恩莫報不堪腸斷蓼莪篇

顯親愧我志難酬席帽駒光已廿秋艱苦備嘗悲母節表揚

終冀屬名流文章自昔鴻篇重姓氏還期驥尾留翹首白雲

增永慕乞將佳句錦囊收

民國十一年壬戌四月男壽延謹述

先考錦菴公故後母趙氏朝夕悲哀竟病八十餘日粒水不進奄奄一息余祇八九齡耳自知無母我何以生遂哭禱於城隍神前願以身代當晚母夢紅袍神示諭曰爾子虔誠已達上帝當加陽壽三紀母病轉危為安感戴神庥特撰聯語懸掛座右永誌勿忘

母病危急求神靈爽感夢中八十日沉疴立起

伯府大神 座右

邑信士朱壽延敬撰并書

子心虔准達帝遐齡錫天上卅六年陽壽頻加

列傳

宗廟楹聯

紫陽攷世系姓本一家為沿流以溯源誰謂紫陽有別派

丁卯仲春之吉

二世孫壽延拜撰并書率二世孫承顯敬助

沛國開天漢支分兩郡雖更名不易氏從知沛國是同宗

其二

為士為農為工商均須力守鼎彝無負祖宗遺訓

盡孝盡悌盡節烈皆可名垂竹帛更增家廟榮光



沛國馬孺人傳

慨自庚子亂後朝廷銳意圖新詔各省廣開學堂女學相繼而興
勸放足讀書風氣亦稍稍變矣顧吾謂教莫善於學校尤莫先於
家庭人子初生時知啼笑語言無日不依膝下母之親異父之尊
設隨時化導養其良知良能尤覺親切有味若是吾於沛國之姑
母見之矣孺人諱純珍為吾伯祖漱亭公次女母少穎異喜讀精
算又長鍼黹烹調比長歸朱為也亭公室生子一鳳藻同治時連
延師傅齋中之膳必一一躬親之務取精潔每日令將書攜出重
行課讀並舉朱子小學屈原離騷及先正格言等為之講解稍游

惰則加夏楚用香爐銅鍊鎖手於椅不許出外間或送至西宅堂
伯子英公諱傑亦宿學相與誘掖而獎勸之特家已中落孺人節
衣食之餘為置田若干畝噫賢而能教儉而能養此豈尋常巾幗
中人所能及哉孺人壽六十二卒時已見兩孫長韞次纓今哲嗣
以一廩食硯田常念母氏之德惓惓不忘有紗幔課經圖以為之
闡發而尤慮此事之歷久必湮也會脩譜將孺人之行狀登諸世
系其足為沛國家乘光乎今者女學有萌芽矣為師者皆濫竽其
數安得如孺人之實有才德由教子以教人哉戴仁託親誼不敢
以不文辭緣滌筆為孺人傳而縱言及之姪馬戴仁拜撰

廩貢生鳳藻公傳

公諱鳳藻字潔甫又名鄭香也亭公之子也公體貌魁梧性情和藹幼承慈訓潛心力學弱冠卽補博士弟子員旋食廩餼歷赴秋闈命蹇不售講學授徒垂四十年極一時桃李門牆之盛並喜聯絡族誼重修家乘凡本支遠族或僻處海隅或旅居異地雖道遠無舟車而不辭跋涉之勞務必躬親訪問稽攷明確悉載無遺而後已公生於清咸豐五年乙卯正月十三日酉時歿於民國六年丁巳九月十九日辰時享年六十有三贊曰天亶岐嶷早歲遊庠旋食廩餼講學梓鄉興祠修譜功在紫陽追維先德遵俎馨香

民國七年戊午三月既望宗弟壽延謹撰



中憲大夫邑增生燮臣朱公傳

公名壽延原名玠疇字翰川號燮臣中憲大夫府庠生四子也性情豪爽學問淵博自五歲而孤受母太恭人趙氏之慈訓弱冠入邑庠旋取一等補增因廢科舉未遂顯揚先人之志改營商業而得重振門庭之願建華廈增祠宇捐祭田修祖墓辦急賑設義校救孤卹嫠熱心公益無善不舉無役不從承地方之推崇被選上海市為議員得人民之信仰歷屆各公團各善堂為董事暇則吟咏詩詞靜則諷誦梵唄精研內典篤志淨土與余同皈依於

印締

老兩法師嘗欽敬其人格感佩其功德洵無愧為儒林之碩彥佛

門之上善也爰什數語以贈

宅心純孝秉性慈祥譽隆議席名噪膠庠極災丹忱創家白手流
澤孔長立功不朽志趨蓮邦精進容忍上報佛恩蒙佛接引

民國拾有九年歲次庚午美月中浣 賜進士出身翰林院編修

同門弟彭澤許業笏恭譔

朱燮臣先生六秩雙慶序

夫宅衷醇厚者迺能剗道以繇齡故其翕揚表外者共推積善以篤慶世人多謂龐
鴻式燕在造物皆有定數而不知昊穹既佑實視其人之秉心竺行惠洽郵民所感
召拳鞠之奉繇愛之愉迹所庸焉川沙為海滙名區其山川秀潤而隆萃其都市隱
軫而豐阜周浦鎮尤為百昌駢坐交貿繁頤迨雍正時遂置為縣名曰南滙夫大造

菁英所躡結迹獨衍沃其原隰苞殖其物產已也其必有高掌遠蹠節用廣施春風
風人夏雨雨人胸胸乎遠超流俗而盤錯不撓者出乎其間若吾友慈善董事

朱燮臣君殆其人歟 君世胄清華前代以科第起家芑豐詒翼之絲長迨今未嘗
或艾 贈中憲大夫錦菴公為 君之椿闈而癸未進士 紫綬比部則

君之胞叔也 君當陸雲能詩之年罹蘇威孤露之戚乃稟承 母趙太恭人

之教幼學敦品檢括經史迨弱冠列膠庠旋以茂才異等擢補增廣生員已而時事

改遷人心變幻 君知大局不可為遂以端木計然之才從事懋遷三奇六耦計

時利用景漸饒足於焉述祖德建祠宇五屬之內耄者安之倪者塾之寒者帛之疴

者藥之門庭翕興允孚羣望而尤竭力於世界慈善事業畫周詳深慨航舶交通

而後庖漏日深創設犀舟動楫推會寶幣中外商民咸相融洽又獨力建恤嫠院復

廣集基金以規長遠他如養老恤孤施木賑災一切克己利人之舉靡不力營心畫

期於實惠及人而後已歷充利濟學校教習民孚亞洲等銀行董事仁濟善堂常務

董事滬南公濟堂同願善會董事副長成績泐然未易縷記 德配單夫人班誠

夙嫻淑譽久著事姑和以順持家儉以勤洗濯躬親築里敦睦 君所以無內顧

憂多賴坤德之厚載今者箸雍攝提之歲辰在鶉火之月適為 君伉儷耆壽嘉

辰 君以時局阽危力戒諸子勿得召客稱觥同人等以為曲臺敬老之典有善

則記之為悼史如

君之善行理當記述以眎末流亦經典之要素也

君幼

滿

母太夫人慈訓仇機歐荻督課嚴密職兼父師劬勞備至萱華萎謝乃繪秋

窗課子圖以表北堂之艱苦伸遺孤之哀慕

哲兄少沂先生天才博洽開辦滬

南電燈電車事業擴充廣大創設商團職充司令綏境保民懋昭偉績而昆仲翁力

同心事多互商令問並傳無間遐邇

君孝友之可紀者如此論語言仁者壽蓋

為天地立心曰仁為萬物立命曰壽仁者之以生機布濩太和洋溢實隄乎天地好

生之大德故孔學以求仁為要而洪範五福壽居首統以好德皇建極錫福以好德

為教民保極訓行亦以好德為習周官六德以孝友睦親任郵廣教萬民

君生

平志業悉本書禮宜其迓福介社上符乎尼父樂山之言其心術之可紀者又如此

自邪詖橫行以來人心陷溺為開闢以後所未見聖賢典籍視同糞壤

君篤守

前型弼中彪外覃思悴體芬溢闈塵暇則為詩歌有桂馨室稿十餘年來與余同在

蔬食叙餐會月必數聚深知

君志操淵澄不為劫波所震撼而尤飯志竺乾欲

以菩提大願拯救眾生於無明魔罽之中其問學之純正又如此君有丈夫子二哲

嗣志揚身賈心儒克家令子年方弱冠卽膺國華銀行靜安寺分行經理之職兼

任太古洋行保險部主任少年英俊洵不愧為後起之秀娶婦范氏卽上海明經范

麟書先生之三女也幼子承榮早年不祿有女公子二長承惠待字閨中次承敏適

沈熙亮幽嫺貞靜毫無時習有孫三家彞韻佳韻佩頭角崢嶸均非凡品其一門肅

睦里黨稱羨值此人慾橫流之際實為難能可貴本擬萊衣戲綵以嚴命諳切未能

奉聳延賓竊以為末俗以華靡相矜纓組祝延肆意修禳蔓詞膚語瑋煌連杯殊金
提化俗之義侈玉卮無當之文腴外瘠中識者弗尚若 君之屏浮華而良貴自

尊傾旨蓄而檀施弗匱當此三精蔽晦大地墨穴之際芳範條垂冲澤旁沛理當召
龐褫膺上嘏援筆紀之勛眎來哲適符荀子美意延年之說知言君子庶其許諸

賜進士出身二品銜署雲南布政使雲南提學使翰林院編修愚弟葉爾愷頓首拜誦
賜進士及第翰林院撰文愚弟商行塗頓首拜書

愚弟孔祥熙何應欽張羣吳鐵城王正廷葉楚滄許世英朱慶瀾葉恭綽虞和
德王震唐壽氏屈映光黃慶瀾趙錫恩張壽鏞關絅潘公展杜鏞聞蘭亭潘作

楫楊枝沈恩宇黃炎培秦錫田狄楚青閔嶽蔣維喬朱得傳嚴兆濂翁寅初陳
朶如張景呂顧吉生朱棄塵賈豐臻李味青吳寶地倪淦顧次英顧祥和姻愚

弟范熙瑞沈元桂朱澄儉世愚姪陸子冬施煥章李鐸潘志銓楊少南李聲洪
黃寶熙張邦鐸陳泮君鄭際翼張竹銘朱鴻源鄭際慰于子章孔昭漳張克英

姻姪姚應齡王傳熊張錫潞張錫瑗程其森蘇祖國沈熙瑞受業門生陸福基
胡明塔巖振遠金濟南子壻沈熙亮附行孫王大志等同頓首拜祝頌曰

濟世溥慈 齊眉肇慶 松栢遐齡 芝蘭茂蔭
佛應化二十九百六十五年戊寅六月

穀旦

附錄匾額詩詞

變臣先生暨
德配單夫人 六秩雙慶

變臣先生暨
德配單夫人 花甲榮壽

紫陽撰序學庸年耆
德如君世所賢願力

花甲

仁

宏深心鑑遠慈悲濟
渡頌聲傳傲鴻託鉢

齊眉

壽者

依仁字挽鹿同車是
福緣介社南榮萊絲

上海慈善團體聯合救災會

壽

舞廣成歲月定長延

委員長孔祥熙

變臣先生暨
德配單夫人 花甲榮慶

愚弟葉爾愷撰祝

副委員長吳鐵城 王正廷

我同業先生儒而兼商為
則急公好義交朋則分

愚弟葉爾愷撰祝

葉楚滄 王震

養性且終身茹素愛物
推仁力行慈善救濟不

奕葉書香南邑推文

朱慶瀾 屈映光

可勝數六月月初十日為
先生華誕同人等本擬

公世胄仰瑰琦菽反

杜鏞 潘公展

稱觴祝嘏非常力戒
鋪張持撰此數語以頌

尚憶秋窗課藻朱曾

上海戰區難民救濟會

先生因時局非常力戒
鋪張持撰此數語以頌

參妙諦陶朱寄跡話

正主任屈映光

功德而留紀念

慶蘭玉承惟介壽眉

副主任黃慶瀾 聞蘭亭

上海市轉運報關同業公會

嫻愚弟范熙瑞撰祝

民國念七年六月 穀旦

主席陳泮君胡晉卿敬贈

嫻愚弟范熙瑞撰祝

民國念七年六月 穀旦

